



類苑萃取寶

1加3  
1493  
22-12

廿二





門加  
號1493  
卷22-12

類苑叢寶卷之二十三

兵部

樂德齋

將帥

師貞丈人吉無咎 長子帥師弟子輿尸凶 易文武

在泮獻馘 方叔元老克壯其猷 赳赳武夫公侯干城 並詩

司馬統六師 書大司馬以九伐之法正邦國 禮將為天目國命

所寄 燕集 國不可從外理軍不可從中御 淮 賞如高山罰如深

溪怒如嚴霜喜如時雨 論 夫 林標羨箭門襲良弓軍法盈懷兵

規指掌 飲水受斧指授揚麾 燕集 高壘深溝卧驚營而不動

蛇營為陳臨死地而無疑 類要 金方之氣疑為將星 白集 君子



聽鼓鼙則思將帥之臣禮大將民之司命社稷存亡於是乎在  
抱朴說苑云將者士之心也士者將之肢體也故心猶豫則肢  
體不用淮南子云將無天於上無地於下無敵於前無主於  
後進不求名退不避罪唯民是保利合于主國之寶也上將之  
道也尉繚云夫將者上不制於天下不制於地中不制於人  
兵凶器也爭逆德也將死官也故不得已而用之知兵之將  
國之行主民之司命古者重之後世無逮焉齊子抱朴子云兵  
家以計為主以力為末孫子云良將思計如飢所以戰必勝  
攻必取也三畧云將者能思士如渴則策從焉夫將拒諫則  
英雄散策不從則謀士叛善惡同則切臣倦專已則下歸咎自

伐則下少功信謔則眾離心貪財則女不禁內顧則士卒淫將  
有一則眾不服有二則軍無式有三則下奔北有四則禍其國  
淮南子云將軍扶義而動推理而行掩節而斷割因資而成  
功吳起云一劔之任非將事也抱朴子云韓信傳檄而定  
千里是以尺素之功勝于雲梯之械也淮南子云將軍之心  
滔滔如春晨曠曠如夏湫滲如秋涼惻如冬淮南子云夫將者  
必獨見獨知獨見者見人所不見也獨知者知人所不知也見  
人所不見謂之明知人所不知謂之神明者先勝者也先勝者  
守不可攻戰不可勝攻不可守抱朴子云夫大將者凜凜若  
負重而履薄水戰戰如登朽木以臨萬仞晉國謀師推卻穀



之說禮漢朝論將美於遵之用儒 早陪蘭綺應知軍政之嚴  
夙終戎麾頗識兵樞之要類

### 寵臣監軍

史記齊以司馬穰苴將兵打燕晉之師苴

曰臣素卑賤願得君之寵臣國之所尊者以監軍景公使苴賈  
往苴與賈約日中會于軍門苴先馳至軍賈素驕貴夕時乃至  
苴遂斬以徇三軍之士皆震慄燕晉之士聞之悉引而歸皆復  
所侵之地寵姬習戰 齊孫武子以兵法見吳王闔廬王曰可  
以小試勒兵乎曰可王曰可試以婦人乎曰可于是出宮中美  
人得百八十人武乃分為二隊以王之寵姬二人為隊長皆令  
持戟令曰汝前視心左視左手右視右手後即視背婦人曰諾

約束既畢即三令五申而鼓之右婦人大笑復三令五申而鼓  
之左婦人復大笑武欲斬左右隊長王曰寡人已知將軍能用  
兵矣願勿斬此二姬也武曰將在軍君命有所不受遂斬隊長  
二人以徇用其次為隊長于是復鼓之婦人左右前後跪起皆  
中規矩繩墨宜僚弄丸 楚與宋戰而敗熊宜僚弄丸八箇在  
空中一箇在手一軍皆停戰望之楚免于難白公勝作亂石乞  
曰市南有熊宜僚可當五百人往告之不許承之以劍不動弄  
丸如故鏡行表 東漢涼州賊王國圍陳倉董卓請左將軍  
皇甫嵩速救之嵩曰王國攻之不下其眾必疲疲而擊之全勝  
之道也國攻陳倉八十餘日不下疲敝解去嵩進兵擊之卓曰



窮寇勿追歸師勿遏高曰前吾不擊避其銳也今而擊之待其  
衰也所擊疲師非歸師也以整擊亂非窮寇也不谷治策漢  
武帝為霍去病治第使視之對曰匈奴未滅何以家為上由是  
益愛重之中山高宗欲為岳飛營第飛辭曰金虜未滅何以家  
為樂羊食子樂羊子為魏將攻中山其子時在中山中山之  
君烹之作羹致于樂羊樂羊食之累石晉馬隆討西羌夾道  
累磁石賊負鐵鎧行不得前隆士卒悉負犀甲無礙賊以為神  
度尚林公東漢荊州刺史度尚擊桂陽賊卜陽等破其三屯  
多獲珍寶士卒驕富莫有鬪志尚乃宣言兵少須諸郡所發悉  
至乃併力攻之中令軍中悉聽射獵兵喜皆出尚乃密使人焚

其營獵者還莫不涕泣尚慰勞之曰陽等財寶足富數世諸軍  
但不併力耳今所亡少何足介意眾感憤遂破平之常效父法  
南齊斛律光弟羨為幽州刺史善治兵突厥畏之謂之南可汗  
性節儉不好聲色不貪權勢行兵常效其父金之法營舍未定  
終不入幕或竟日不坐身不脫甲冑常為士卒先士卒有罪唯  
大杖撻背未嘗妄殺衆皆爭為之死結髮從軍未嘗敗北齊  
斛律金敕勒酋長也嘗為淮朔軍主行兵用匈奴法望塵知馬  
步多少嗅地知兵之遠近又五代周德威勇而多智望塵知敵  
數狀貌雄偉笑不改容人見之凜如也後破夾城拜振武節度  
使許為糧車唐裴行儉字守約突厥反蕭嗣業討之不克詔



行儉為之襄行軍大總管先是饋糧數為虜所掠我軍至餒死  
行儉曰吾以謀制敵可也因詎為糧車三百乘每車伏壯士五  
輩各持陌刀勁弩使羸兵挽之以進且伏精兵于險要以待之  
虜果至羸兵散走虜驅車就水草解鞍牧馬欲取糧壯士自車  
中躍出擊之虜驚走復為伏兵所邀殺獲殆盡自是糧運之車  
莫敢近解鞍誘虜漢景帝時匈奴寇鴈門上郡李廣為上郡  
守嘗從百騎出卒遇匈奴數千騎廣騎欲馳還廣曰吾去大軍  
數十里今走向匈奴追射我立盡令皆下馬解鞍以示不走匈奴  
有白馬將出護其兵廣上馬與十餘騎奔射殺之而還胡兵終  
恠之夜引而去 廣行無部伍行陣就善水草舍止人人自便

不擊刀斗省約文書然亦遠斥堠未嘗遇害坐帷講誦桓帝  
時張奐為北中郎將匈奴烏桓燒軍門屯赤坑烟火相望兵眾  
大恐奐安坐帷中與弟子講誦自若軍士稍安且潛誘烏桓使  
斬匈奴屠各渠帥襲破其眾諸胡悉降屠各匈奴別種也休屠  
王之裔不肯探簡鄧禹表張宗為偏將軍赤眉兵大至禹欲  
就堅城眾人墾後拒禹乃書諸將名于竹簡亂投筒中令各探  
之宗不肯曰死生有命豈可辭難就逸遂為後拒戰赤眉曳柴  
然草五代時契丹圍幽州城中危困李存審自山中潛行至  
幽州契丹列陣待之存審命步兵陣于後戒勿動先以羸兵曳  
柴然草而進烟塵蔽天鼓譟合戰乃趣後陣起棄之契丹大敗



斬鄉人 呂蒙入南郡令軍士不得干歷人家蒙麾下士取民之笠以覆官鎧蒙曰不可以鄉里故廢法垂涕斬之蓋士與蒙俱汝南人也 **不讀兵法** 霍去病為驃騎將軍武帝教之讀孫吳兵法去病曰為將顧方略何如不至學古兵法唐張巡行兵不依古法教戰陣令本將各以其意教之 **千里威** 東漢賈復字君文少好學習尚書事舞陰李生李生奇之曰賈君容貌志氣如此將相之器有折衝千里之威 **禱子產祠** 漢劉暢攻滎陽太守李矩未及為備乃潛使詔降暢不復設備矩欲夜襲之士卒皆疑懼乃遣其將郭誦禱于子產祠使巫者揚言曰子產有教當遣神兵相助眾皆踴躍爭進掩擊暢營暢僅以身免

**碑而進**

隋史萬歲討南寧夷爨覲反入自蜻蜒川行數百里見諸葛亮紀功碑銘其背曰萬歲之後有勝我者過此由是什碑而進破其部三十餘萬勒石頌義隋德而還 **天山三箭** 唐高宗時鉄勒九姓合十餘萬令驍騎數十乘挑戰薛仁貴為鉄勒道行軍副總管發三矢殺三人餘皆氣憤請降軍中歌曰將軍三箭定天山壯士長歌出漢關 **回中六矢** 安祿山將令孤潮圍雍丘潮與張巡有舊巡使郎將雷萬春于城上與潮相問語未絕賊以弩射之面中六矢而不動潮疑其木人使謀問之乃大驚遙謂巡曰向見雷將軍方知足下軍令矣然其如天道何巡謂之曰君未識人倫焉知天道 **指箭示行** 梁武時豫州



刺史韋叡攻魏小峴未拔出行圍柵魏出數百人陣于門外叡欲擊之諸將皆曰向者輕來未有戰備徐還授甲乃可進耳叡曰不然魏城中二千餘人足以固守今無故出人于外必其驍勇者也苟能挫之其城自拔衆猶遲疑叡指其節曰朝廷授此非以為飾庸庸法不可犯也遂進擊之魏兵敗走因急攻之中宿而拔魏人歌之曰不畏蕭娘與呂姥但畏合肥有常虎蕭謂老呂謂僧珍也荊州杜彪梁荊州刺史杜山從膂力過人便馬善射所汎明霞朱弓四石餘力每出挑戰魏軍憚之號為杜彪輕裘緩帶羊祐在軍輕裘緩帶身不披甲鈐閣之下待衛不過十數人杜預身不跨馬射不穿札而居將帥之列謀而

鮮過惠訓不倦好漢刺背宋吳進勇于戰鬪常對御騎上曰

好漢進聞之刺好漢吳進字作背心每閱兵則披以示衆不欺

死父秦攻齊齊威王使匡章將而應之章變其微幟以雜秦

軍侯者言童子以齊入秦王不應如此者三有司請發將擊之王曰此不叛寡人明矣曷為擊之頃間言齊兵大勝秦兵大敗左右問曰何以知童子之不叛王曰童子之母啓得罪其父教之而埋于馬城之下吾使童子將也勉之曰夫子全兵而還必更葬將軍之母對曰臣非不能更葬臣母也臣之母得罪臣之父臣之父未命而死夫不得父命而更葬母是欺死父也故不敢夫人為子而不欺死父豈為人臣欺生君哉又齊宣王因燕



人之亂令章子將五都之兵伐燕又大勝之軍衆莫抗桓石  
慶小字鎮惡年十七八未被舉而童隸已呼為鎮惡郎嘗住宣  
武齋頭從從坊頭車騎冲没陣左右莫能先救宣武謂曰汝叔  
落賊汝知否慶聞之氣甚奮命朱辟為副策馬于數萬衆中莫  
有抗者徑致冲還三軍嘆服叩命辰行唐高崇文為長城使  
奉詔征劉闢御軍常若寇至即受命而辰行器用無闕喜乘  
**晚**唐僕固懷恩反代宗以郭子儀為元帥懷恩將士聞之喜  
曰吾輩從懷恩為不義何面目見汾陽王子儀如汾州懷恩之  
衆數萬悉歸之咸鼓舞涕泣喜其來而悲其晚也策取幽燕  
楊文廣延昭子從狄青南征宋英宗稱為名將累遷興州防禦

使秦鳳副都總管邊人爭地界文廣獻陣圖并取幽燕之策射  
**妻**隋將堯君素守河東唐遣獨孤懷恩攻之不下遣其妻至  
城下謂之曰隋室已亡君何自苦君素曰天下名義非婦人所  
知引弓射之應弦而倒射子侯景反東西道都督裴之高柳  
仲禮等各以兵入援景囚之高弟姪子孫列陣前以昂鑊刀鋸  
隨其後謂曰裴公不降今即烹之之高召善射者使射其子不  
**中解刀贈光**唐馬燧謂李光顏曰君有奇相終必光大解  
所佩刀贈之從從高崇文平劍南數舉旗陷軍出入若神唐  
成德兵馬使王庭湊殺節度使田弘正時深州刺史牛元翼成  
德良將也魏博節度使李愬以寶劍玉帶遺之曰昔吾先人以



此劍立大勳吾又以之平蔡州今以授公努力剪庭湊元翼以  
劍徇于軍報曰願盡死**黑衣縋城**唐張巡守雍丘城中矢盡  
乃縛草為人千餘披以黑衣夜縋城下令孤潮軍士爭射之得  
矢數十萬其後復夜縋人賊笑不設備乃以死士百人斫潮營  
潮軍大亂焚壘而去**蒼頭公**南宋沈慶之字弘先元嘉中雍  
州群蠻入寇命慶之為建武將軍慶之好戴狐帽蠻每見慶之  
軍輒懼曰蒼頭公來矣**黑面王**宋尹繼倫敗契丹耶律休哥  
于徐河契丹主相戒曰當避黑面大王以繼倫面黑故也**伐檀**  
**為菴**後周武帝伐齊其弟齊王憲密謂永昌公椿曰為營不  
須帳幕可伐檀為菴令兵去之後賊猶致疑及被敕追還率兵

夜返齊人果謂檀菴為帳幕至翌日始悟**裴劇為鎧**唐李元  
諒鷙敢有謀時兵興倉卒乃裴劇為鎧刻蒿為矢軍氣乃振執  
**旗乘驢**五代梁劉鄩以晉兵在魏州晉陽必虛欲襲取之潛  
引兵自黃澤西去晉人怪鄩軍數日不出遣騎覘之時見旌旗  
循堞往來晉主曰吾聞劉鄩用兵一丈百計此必詐也更使人  
覘之乃縛草為人執旗乘驢在城上爾晉主即發騎兵追之又  
命李嗣恩倍道先入晉陽勒兵為備鄩糧盡又聞晉有備追兵  
在後衆懼將還守莘城**持炬乘駝**五代周世宗征濠夜遣  
兵持炬乘橐駝絕淮濠兵驚以為鬼乘龍**量沙金軍**檀道濟  
戰敗魏軍食盡欲引還軍有降魏者具告之魏人追之衆洶懼



將濟道濟夜唱籌量以所餘米覆其上及旦魏軍見之謂道  
濟資糧有餘以降者為安斬之道濟得全軍而還名播北國  
南齊周盤龍與魏軍戰其子奉叔單馬率二百餘人陷陣魏萬  
餘騎張兩翼圍之一騎還報奉叔已沒盤龍馳馬奮稍奔魏軍  
魏人莫不披靡時奉叔已大殺魏軍得出矣盤龍不知乃東西  
觸擊魏軍奉叔見其父久不出復躍馬入陣父子兩騎縈攪數  
萬人魏軍大敗盤龍父子由是名播北國高帝嘉盤龍功送金  
釵十二枚與愛妾杜氏手勅曰餉周公阿杜帶箭入陣 隋煬  
帝遣將軍陳稜討杜伏威伏威迎出挑戰稜軍射中其額伏威  
怒曰不殺汝矢不拔乃帶箭馳入稜陣大呼衝擊衆皆披靡獲

所射將使拔箭出乃斬之携其首入稜軍示之又殺數十人而

還麾白羽扇

晉頌榮字彥先具平入洛廣陵相陳敏反假榮  
丹陽內史討之榮以白羽扇麾之其軍自潰因名戰處為麾扇

獲免胄示虜

唐突厥餘黨入寇并州薛仁貴將兵擊之虜問

唐大將為詐應之曰薛仁貴虜曰吾聞仁貴流象州死久矣何  
以給我仁貴免胄示之面虜相顧失色下馬列拜稍引去因擊  
破之 郭子儀討回紇免胄釋甲投鎗而進雷於指 南霽

雲告急于賊淮賀蘭進明無意出師霽雲齧落一指以示進明  
曰雲既不能達主將之意請留一指以示信歸報座中皆為泣

下持槍迎擊

哥舒翰與吐蕃戰持半段槍迎擊所向披靡有



奴曰左車以力聞舒翰用槍追賊擬槍于肩叱之賊反顧舒翰刺其喉騰之高五尺左車斬其首奪稍還刺唐尉遲恭字敬

德允戰善避稍每單騎入賊雖群刺之不能傷又能奪取賊稍還刺之齊王元吉使敬德去刃與之校敬德請王加刃而已獨

去之卒不能中帝嘗問敬德奪稍與避稍孰難對曰奪稍難試使與元吉戲王三失稍遂大服黃聰少年魏裴果字戎昭少

慷慨有志略時盜賊起果每征討必乘黃聰著白袍先登陷陣時號黃聰少年以少擊衆唐馬璘武幹絕倫以百騎破賊五

千李光弼曰吾用兵三十年未見以少擊衆如馬璘者矣結和見旒 宋李顯忠字君錫以忠義結知旒旒人謂義不忘君如

開雲長忠不恤家如李良器郭子儀之寬大得人李光弼之嚴明御下公兼四者之美又公之用兵奇計百出遇大敵人方奪

氣公徐以應之能以少擊衆取勝血染甲裳北史耿豪本名

令貴少薨猶有武藝沙苑之戰血染甲裳盡赤周文嘆曰令貴

為將所向無前錦裘繡帽唐李晟每與賊戰必錦裘繡帽指

顧軍前李懷光曰將務持重豈宜自表暴為賊餌哉晟曰昔涇

原士卒頗相畏服彼令見之奪其心耳銅門鐵城筆談廣犯

澶淵傳潛堅壁不戰河北吏郡或陷或奔是時魏能揚遠朗守

梁門遂城攻圍不下時人目為銅梁門鐵遠城置酒城上唐

張守珪為瓜州刺史虜酋至眾失色守珪置酒城上會諸將作



樂虜疑有備引兵縱火擊敗之地綱 宋吳玠作地綱于天水  
長道二縣之間於平地鑿渠每渠闊八尺深丈餘連綿不斷如  
網然以礙虜騎河陽分遣 李光弼與史思明戰于河陽分遣  
諸將以刀置靴中曰萬一不利我亦自刎不令諸君獨死沈  
吳越王鏐自少在軍中夜未嘗寐倦則就圓木小枕或枕大鈴  
寐熟則歌而寤名曰警枕置於盤子卧內有所記則書盤中比  
老不倦或寢方酣外有白事者令侍女振紙即寤時彈銅丸于  
樓牆之外以警直更者秋青起行伍十餘年身頭  
而面涅猶存仁宗勅青傳藥除之青指其面曰陛下以功擢臣  
不問門第臣所以有今日者由此涅耳臣願留此涅以勸軍中

不敢奉詔帝愈重之征儂智高頓兵窺崙關下朔日將渡關日  
高尚未升座諸將疑之入帳周視則不知青所在俄有軍候至  
曰宣徽傳語諸官請過關喫飯方知青已微服度關矣 青與  
西賊戰每戴銅鑄人面具被髮入行陣間上未識其面令圖  
其形以進 敗儂智高于邕州斂屍等京觀于城北隅賊屍有  
衣金龍衣者眾謂智高已死欲以聞青曰安知其非詐耶寧  
失智高不敢誣朝廷以貪功也後二年智高死于大理函首至  
京張齊賢知代州契丹薄城齊賢遣使約潘美  
會戰使為契丹所執齊賢曰敵知美美而不知美退夜發兵二  
百人持一熾負一束躬距州西南三十里列熾燃躬契丹兵遙



見火光中旗幟駭而北走齊賢伏兵于玉鐙岩掩擊大敗之  
**擒張欽** 賊劉忠有眾數萬據白面山韓世忠與賊對壘亦  
張飲堅壁不動眾莫能測一夕與蘇格聯騎穿賊營周覽以出  
夜伏精兵于山下與請將救營而進賊方迎戰伏兵已馳入中  
軍奪望樓植旗蓋賊驚潰夾擊大敗之  
**八日** 賊揚大敗  
官軍于鼎江詔岳飛代王夔討之命張俊視師俊欲俟乘年議  
之飛曰都督能少留八日可破賊俊曰何言之易飛曰至四廟  
以王師攻水寇則難飛以水寇攻水寇則易若以敵將用敵兵  
八日之內當俘諸首浚許之飛招楊欽金珠劉譔未降是夜掩  
賊營降其眾數萬大方浮舟洞庭湖中以輪飲水其行如飛飛

急擊之太技窮赴水死果八日而捷書至潭浚歎曰岳侯神美  
也初太特其險曰欲犯我者除是飛來至是人以為識云  
**術救** 張俊岳飛大敗李成于樓子莊成復以十萬兵夾河而  
營楊沂中夜銜枚度河與俊夾攻成大敗俊乘勝追至江州  
成勢迫絕江而去因呼俊為張鐵山  
**刀字賦詩** 宋太宗一日  
內宴侍臣皆賦詩曹翰以武臣不預乃自陳曰臣少學詩乞應  
詔太宗曰卿武臣以刀字為額翰以詩寄意曰三十年前學六  
韜英名常得與時髦曾因國難披金甲不為家貧賣寶刀臂健  
尚嫌弓力軟眼明猶識陣雲高庭前昨夜秋風起羞覩團花舊  
戰袍太宗喜為遷官  
**北虜字名** 宋王德用狀貌魁偉而面色



正黑雖間巷遠近識與不識皆稱曰黑王相公北虜嘗呼其名以驚小兒 **刺字報君** 宋呼迺資太原人以武勇為衛士直長編刺其體作赤心殺契丹字及其唇內亦刺之嘗召善黥者橫劍子膝呼其妻責以受祿無報當黥面以報不然者斬首舉家號泣以婦人黥面非宜願刺臂許之僕妾亦然諸子身後別刺字曰出門忘家為國臨陣忘死為主嘗作破陣刀降魔杵鐵鞭鐵幟頭兩旁有刃皆重數十斤乘驢馬戴緋抹額慕尉遲恭之為人自稱小尉遲 **貪利誘敵** 曹瑋字寶臣知鎮戎軍與虜戰小捷驅所掠牛羊而還其下曰牛羊無用不如弃之瑋不答虜還襲瑋瑋得地利處止以待之虜將近使人諭曰番軍遠來我

不欲乘人怠請休憩士馬虜方苦疲甚欣然以歇良久瑋又諭曰歇定可相馳矣鼓軍迎敵而進大破虜師矣牛羊而還謂其下曰虜既去復來幾行百里矣吾知其已疲故為貪利以誘之若乘銳便擊猶有勝負遠行之人若小憩則足疲不能立人氣已闌吾以此取之 **錦衣駝馬** 韓世忠圍劉豫于淮陽賊約受圍一日則舉一烽至六烽俱舉兀术與劉旂皆引兵至世忠勒陣向敵遣人語之曰錦衣駝馬立陣前者韓相公也或危之世忠曰不如是不足以致敵敵果至殺其導戰者二人遂引去世忠兩秉節鉞高宗書郭子儀傳賜之 **置毒潁河** 劉錡為東京副留守率所部至渦口聞金人分道南侵急趨順昌歛兵入



城為守禦計鑿舟沉之示無去意真家寺中積薪于門戒守者曰脫有不利即焚吾家既而金烏祿與龍虎大王合兵薄城鎬用破敵弓神臂弩射却之復以步兵破其鐵騎三千溺河死者不可勝計兀朮在汴聞之索靴上馬帥十萬眾來援鎬置毒穎河上流及草中時大暑敵遠來人馬飢渴食水草者輒病鎬士氣閑暇忽遣數百人出西門接戰俄遣數千人出南門戒令勿喊但以銳斧犯之敵大敗兀朮拔營去鎬遣兵追之死者數萬

**假面對敵**

北齊蘭陵王長恭貌似婦人乃着假面以對敵勇

**冠三軍霹靂閃電**

唐長孫晟為秦川道總管突厥大畏之聞

其弓聲稱為霹靂見其走馬稱為閃電不煩為名謝玄北征

巷議疑其不振韓康伯曰此人好名必能戰玄聞之甚忿曰大

夫提千兵入死地以事君親不得復云為名世說

**可語孫吳**

李靖字藥師嘗曰丈夫遭遇要當以功名取富貴何至作章句儒其翼轅擒虎每與論兵嘆曰可與語孫吳者非斯人尚誰哉

**楊沂中**

與劉猷戰于藕塘大敗之猷曰適見髯將軍

銳不可當果楊殿前也

**令厲捕蟬**

宋守約為殿帥日輪軍校

捕蟬有鳴於前者重答之人頗不堪神宗以為過守約曰臣無所信其號令寓以捕蟬蟬鳴固難禁而臣能使必去者陛下誤令守一障庶幾或可使人上以為然

**視若神人**

宋党進擐甲

冒則髭髯皆磔豎目光如電視之若神人先是禁軍校悉以所



掌卒伍之數細書於所執之杖謂之杖記上一日問進兵籍幾  
何進不能對舉挺曰盡在是矣上笑謂其忠實取啖軍食高  
瓊為步軍都指揮使會戍兵以廩食陳弱譁語者瓊知之一日  
巡營士卒方坐食因取其飯啖之謂曰邊鄙無事而坐飽此宜  
知幸也**謂之鐵虎** 蔡祐與齊戰被明光甲所向無前齊人謂  
之鐵虎**勒石紀功** 寶憲登燕然山勒石刻功令班固作銘曰  
躡冒頓之區落焚老上之龍庭**止風反雪** 王駿將并州兵濟  
河討突厥駿間行趣山谷夜遇雪恐失期擔於神曰駿事君不  
忠不計有罪天所殛者當自蒙罰心誠忠而天鑑之則止風反  
雪俄而和霽駿自東道追及之獲餘三千**轅門二龍** 烏承玘

字德潤開元中共族兄承恩皆為平盧先鋒號轅門二龍**彪將**  
薛仁貴從征遼東恃驍勇乃異其服色著白衣太宗遙見之問  
先鋒曰衣白者為誰特引見賜馬綸喜得彪將**望英樓** 高宗  
命英公勦伐高麗既破上於苑中樓上望號望英樓**呼之為父**  
曹瑋在秦川西番犯塞虜陣有出布陣者虜貴人也瑋使射之  
一發而斃虜鳴笳而遁瑋以大軍乘之虜衆大敗係斬萬計西  
番由是憚服至今不敢犯塞每言及瑋則呼之為父**趙虎頭**  
治平中趙用為界河巡檢都監虜人畏之以其常乘虎頭船故  
謂之趙虎頭**不忘祖豆** 祭遵為將軍取士皆用儒術對酒設  
樂必雅歌投壺在軍旅不忘祖豆**毋問使者** 楚子反攻秦軍



絕糧使人請於王因問其母母問使者曰士卒無恙乎曰士卒  
分菽粒而食之又問將軍無恙乎對曰將軍朝夕芻黍黍稷  
反破秦軍而歸毋閉門不納使數之曰子不聞越王句踐之伐  
吳耶客有獻醇酒一器者王使人注上流使士卒飲下流味不  
加喙而卒戰自五也異日又有獻一囊糧者王又使以賜軍士  
分而食之甘不踰盍而卒戰自十也今士卒分菽粒而食之子  
獨朝夕芻黍何也**不結營部** 耿秉字伯初擊匈奴封襄陽侯  
性勇壯而簡易於事軍行常自披甲在前休止不結營部然遠  
斥侯明要誓有警軍陳立成士卒皆樂為死**刺山泉出** 耿恭  
守疏勒城穿井十五丈不得水吏士渴乏恭仰天歎曰昔貳師

將軍拔佩刀刺山飛泉涌出今漢德神明豈有窮哉乃整衣冠  
向井再拜為吏士禱有頃水泉奔出乃令吏士揚水以示虜虜  
以為神明遂引去**名應童謠** 吳有童謠曰阿童阿童衝力浮  
渡江不畏岸上虎但畏水中龍羊祐求其名應者會王濬小字  
阿童才又可用祐因表為龍驤將軍備舟楫遂平吳**越王**  
尹文子云越王句踐謀報吳欲人之勇路逢怒蛙而軼之比及  
數年民無長幼臨敵雖湯火不避**炎粟得地** 范蠡煮粟十萬  
斛以與吳言粟好具付民種種不生吳五年因飢越乃伐吳得  
其地**象尾繫燧** 吳伐楚昭王使執燧象以奔吳師**連雞繫火**  
晉江道為放浩叅軍姚襄去浩十里結營道進兵至襄營取數



百雞以長繩連之繫火于足群雞駭散飛集襄營襄營火發因  
其亂隨而擊之襄遂敗縛戰馬頭 晉馬隆子威為成都王前  
鋒王胡率眾討威於市乃使十騎與戰縛戟于馬頭以向威又  
使數十騎各持兵隨于後馬驚奔威威遂敗縫革為船 鄧訓  
為護羌校尉發湟中六千人令長史任尚縫革為船置之篋上  
以渡河擊羌起以為城 曹操與馬超戰營不得立婁子伯曰  
天寒可起沙為城操乃多作縑囊夜渡兵依城比明城立白衣  
乘輿 擅道濟伐匈奴大衆未集而虜圍數重軍中大懼道濟  
令士卒悉解甲勿動白服乘輿徐出向圍虜相與謀曰擅公今  
居死地猶不懼此伏兵誘我也遂不敢戰登稜清甯 劉琨嘗

為胡騎所圍窘迫無計乃乘月登樓清甯賊聞之悽然中奏胡  
船又流滂向曉復吹之賊並棄圍而走大發空甯 桓公與管  
仲闔門而謀伐莒未發而已聞于國管仲曰國必有聖人少焉  
東郭郵至桓公曰子言伐莒者乎東郭郵曰然桓公曰寡人不  
言伐莒而子言伐莒何也東郭郵對曰謬然豐滿而手足扭動  
者兵甲之色也日者臣視二君之在臺上也口開而不闔是言  
莒也舉手而指勢當莒也且臣觀小國諸侯之不服唯莒於是  
臣故曰伐莒罕耳及人 桓公北伐孤竹未至罕耳之谿十里  
拔弓而射未敢發也謂左右曰見前人乎對曰不見公曰寡人  
見人長尺而人物具焉冠右袂衣馬前疾走寡人其不濟乎管



仲曰祛衣示前有水也右示涉也至卑耳之谿從左涉深後冠從右涉水深至膝已涉大濟公拜曰仲父之聖若此也宋書  
肅宗以來瑱有武略兼御史大夫北收河洛屢挫賊鋒賊畏號為來爵鐵

### 女將

沈氏高州保寧人也身長七尺多智謀有三人之力兩乳長二尺餘或冒熱遠行兩乳搭在肩上秦宗五嶺喪亂沈氏點集軍丁固護鄉里蠻夷酋長不敢侵軼及趙陀稱王沈氏乃入覲陀大悅與之言時政論兵法智辨縱橫按馮寶妻沈氏封石龍夫人戰則錦繡寶幟至老未嘗敗年八十而終智勇福三者全矣古今女將第一人也 漢文趾女子徵

貳側反擾嶺外六十餘城唐睦州女子陳碩真反破睦歙二州女子能作賊可恠也 建中四年李希烈陷汴州復遣兵數千人抵項城縣令李侶不知所為其妻楊氏召吏胥百姓於庭曰相與致死以守忍失其身而為賊之人耶眾皆泣許之得數百人侶率以登城楊氏親爨以食之俚中流矢傷而歸楊氏曰君不在則誰固守與其死北城戰不猶愈於家乎侶果傷將趨城而一人有以弱弓射中其帥墮馬死即希烈壻也賊遂散去李昌夔在荊州打獵大備裝飾其妻獨孤氏亦出女隊二千人皆着紅紫繡襖子及錦鞍轡 晉王李克用妻劉氏夫人常隨軍行至於軍機多所弘益先是汴州上源驛有變晉王憤恨欲



回軍攻之夫人曰公為國討賊而以杯酒私忿必若攻城即曲在於我不如回師自有朝廷可以論列於是班逃周德威為汴軍所敗三軍潰散晉王危俱議欲出保雲州夫人曰王常笑王行瑜棄城失勢被人屠割今欲效之何也王止行

# 兵

通典甲兵之用其要尚矣周因井田以定兵賦夏官司馬而掌兵戎天子六軍諸侯大國三軍次國二軍小國一軍 呂氏春秋夫兵之不可偃也譬若用藥者然得良藥則活人得惡藥則殺人義兵之為天下良藥也亦大矣 凡兵天下之凶器也勇天下之凶德也舉凶器行凶德猶不得已 蚩尤作兵蚩尤非作兵也利其械矣未有蚩尤之時民固剝林木

以戰爭鬪之所自來者以義不可禁不可止故古之賢王有義兵而無偃兵 老子兵者不祥之器不得已而用之 周書七制一曰征二曰攻三曰侵四曰伐五曰陣六曰戰七曰鬪善征不侵善侵不伐善伐不鬪善鬪不戰 孫卿子兩帝四王皆以仁義之兵行于天下 大戴禮明王之征也必道之所廢者也彼道廢而不行然後誅其君改其政吊其民而不奪其財也 新序君子善用兵也不見其形而功已成野人之用兵鼓聲則似雷號呼則動地塵氣充天流矢如雨扶傷舉死復賜涉血無罪之民其死已量於澤矣而國之存亡主之死生猶未可知也其唯仁義亦遠矣 淮南子兵之所由來者遠矣黃



帝嘗與炎帝戰矣顓頊嘗與共工爭矣堯戰于丹水之浦舜戰  
有苗啓攻有扈自五帝而不能偃也又况衰世乎敵國有危  
民者興兵廢其國而棄其政尊其秀士而顯其賢良振其孤寡  
恤其貧窮出其囹圄賞其有功百姓開門而待之浙米而儲之  
惟恐其不來也 用兵之道先忤而後合前冥而後明若鬼神  
之無跡若水之無創故所向非所之也所見非所謀也 將充  
勇而輕敵卒果敢而樂戰三軍之衆百萬之師志厲青雲氣如  
飄風聲如雷霆誠積踰而威加敵人此謂氣勢 呂氏春秋凡  
兵欲急疾而不可久處知其不可久處則知所免起見舉死殘  
之地矣雖有江河之險則凌之雖有泰山之塞則陷之并氣專

精心無有慮目無有視耳無有聞一諸武而已矣 淮南子善  
用兵者勢如決積水於千仞之隄若轉圓石於萬仞於谿天下  
見吾兵之必用也則孰敢與我戰者 尉繚子勝兵似水夫水  
至柔弱者也然所觸丘陵必為之崩無異故也性專而觸誠也  
山海經曰鹿臺之山有鳥焉其狀如雄雞而人面名曰鳧後其  
鳴自叫也見則有兵小次之山有獸焉狀如猿而白首赤足名  
曰朱厭見則大兵 蔣子夫兵者變化之物而遷移倚伏之事  
也或守法而得用故知兵者性知者也用兵者性能用之也  
**窮兵必亡** 新序魏文侯問李克曰吳之所以亡者何也克曰  
數戰數勝數戰則民疲數勝則主驕以驕主治疲民此其所以



止也是故好戰窮兵未有不亡者也 六韜昔煩厚氏用兵無已誅戰不休至于涿鹿之野諸侯叛之煩厚亡政宴軍令齊桓公用管仲之說作內政而寓軍令五家為軌十軌為里四里為連十連為鄉居處同樂死生同憂其教已成外攘夷狄內尊天子世稱節制之師 **丘甲** 春秋時魯成公作丘甲蓋丘出一甲也 **南北軍** 漢高祖踵秦制京師有南北軍南軍主守衛王宮北軍主巡徼京城郡國番上于南軍三輔番上于北軍巴蜀三河潁川則有材官隴西天水安定則有騎士西北之地多車騎東南之地多樓船臨淄則有弩手荆楚則有劍客越騎胡騎謂越人胡人內附以為騎射者也 **羽林兵** 漢武帝置羽林騎

又取從軍死事之子孫養羽林宮教以五兵號羽林孤兒 **兵** 武帝發天下吏有罪者亡命者及贅壻賈人故有市籍父母有市籍大父母有市籍者凡七科適 也 為兵 **三品更** 漢書如淳曰更有三品有卒更踐更過更古者正卒無常人皆當迭為之一月一更是為卒更貧者欲得雇更次直者出錢雇之月二千是為踐更古者用民歲不過三日戍邊三日亦名為更律所謂繇戍也不可三日便還因使住一歲一更諸不行者出錢三百八官以給戍者是為過更也 **黎陽兵** 漢光武以幽冀并州兵定天下故于黎陽立營領兵騎千人以謁者監之號黎陽兵 **六院兵** 唐李愬擒吳元濟詔釋李祐以還邈乃令佩刀出



帳下署六院兵馬使六院者隋唐兵也九三千人皆山南奇才  
銳士故委祐統之祐捧檄嗚咽置府兵唐高祖初置府兵其  
制始于西魏後周而備于隋為十二衛帝因之置府兵後改為  
軍其法一寓于農每軍置將副各一人以督耕戰太宗分天下  
為十道置府六百二十四凡府三等兵千二百為上千人為中  
八百人為下以三百人為團團有校尉五十為隊隊有正十人  
為大大有長每人甲兵裝糧皆自備民年二十為兵六十而免  
開元而後府兵之籍缺而不補一變而為彍騎再變為方鎮蓋  
府兵之壞自張說請召募充宿衛始彍騎之變自李林甫奏停  
折衝府上下魚書始彍騎謂箭張弩也一曰射騎魚書先是折

衝府皆有木契銅魚朝廷徵發下勅書契魚于都督府叅驗皆  
合然後遣之去州兵晉武帝太康元年詔罷州郡兵交州刺

史陶璜上言州兵未宜約損不聽永寧之後盜賊群起州郡不  
能治遂大亂民兵蕃兵宋太祖躬定軍制紀律詳盡其制有

親衛殿禁之名其營有龍虎日月之號天下之兵本于樞密京  
師之兵總于三衛隸侍衛者為班直隸邊州者為屯駐諸司募  
者曰後兵諸州募曰廂兵什伍其民教而閱之者為民兵蕃兵  
內附糾而用之為蕃兵神武軍唐肅宗至德二年置左右神

武軍取元從子弟充其制皆如四軍總謂之北牙六年又擇善  
騎射者千人為殿前射生手分左右廂號英武軍以少擊衆



唐王君廓從戰東都以十三人破賊萬人馬璘初戰衛南以百騎破賊五千後從李光弼攻洛陽史朝義衆十萬陣北即山璘率部士五百薄賊屯出八三反賊遂潰宋廷壽用兵常以寡聞衆還者盡斬之

### 謀策

淮南子飛鳥之擊也佻其首猛獸之擢也匿其爪虎豹不外其爪而噬不見齒故用兵之道示之以柔而迎之以剛示之以弱而乘之以強為之以歛而用之以張將欲西而示之以東先許而後合前冥而後明 孫子善用兵者有三略焉上略伐智中略伐義下略伐勢 凡戰者以正合以奇勝故出奇者無窮如天地不竭如江海終而後始日月是也死

而更生四時是也戰勢不過奇正奇正之變不可勝窮也 白帖帝王之兵貴謀賤戰伐之以謀略 善計潛行破勁敵於籌畫之下奇謀獨運解重圍於談笑之間 抱朴子兵家以計為主以力為末 三略將謀欲密將謀密則燕心閉 兵法極要良將思計如飢所以戰必勝攻必取也

### 女樂開地

秦穆公以女樂遺戎王王大悅日以聽樂終歲不遷穆公舉兵伐之兼國十二開地千里 **大鍾取國** 呂氏春秋

中山之國有夙繇者智伯欲攻之而無道也為鑄大鐘方車二軌以遺之夙繇之君斬岸堙谿以迎鐘七日而夙繇亡 **交傳而炬** 廉范為雲中太守會匈奴大入塞虜衆盛而范兵不敵會



日暮令軍士交縛兩炬三頭執火虜遙望火多謂救兵至待旦  
將退范晨往赴之斬首數百級虜自相讎籍死者千餘由此不  
敢復入雲中

**薰粟** **燧象** **火雞** **沙城** **革船** 見將

**帥揚璇鼓** 見太子

**征伐**

尚書大傳戰者憚驚之也 說題辭伐之為言敗也

大戴禮明王之征也猶時雨也至則民悅矣 左傳有

鐘鼓曰伐無曰侵 公羊傳備者曰侵精者曰伐 周禮大司  
馬以九伐之法正邦國 大司馬大合軍以行禁令以救無辜  
伐有罪 禮記出征執有罪反釋奠于學以訊馘告 左傳用  
師觀釁而動 裹糧坐甲固敵是求敵至不擊將何俟馬 周

禮鄭注諸侯有違王命則出兵以征伐之所以正之也諸侯之  
有國如樹木之有根本是以言伐 書葛伯不祀湯往征之  
義和廢厥職胤佚承王命徂征 詩周公東征四國是皇 薄  
伐獫狁至于太原 赫赫南仲薄伐西戎 戎車嘽嘽如雷如  
霆 易師出以律 高宗伐鬼方三年克之

**舜征有苗**

帝曰咨禹惟茲有苗不率汝徂征禹乃會群后誓

于師曰肆予以爾眾士奉辭伐罪**武王伐紂** 韓詩外傳武王

伐紂到邢丘輒折為三天雨三日武王惧召太公而問之曰紂  
未可伐乎太公曰輒折為三者軍當分介為三也天雨三日者  
欲洒吾兵也**師與而雨** 左傳衛大旱甯莊子曰周饑克殷而



年豐今邪方無道天其或者欲使衛討邪乎從之與師而雨未  
**發先聞** 齊桓公與管仲謀伐莒謀未發而聞於國桓公怪之  
 曰與仲父謀伐莒謀未發而聞於國其故何也管仲曰國必有  
 聖人也少頃東郭牙牙一作郵至管仲曰此必是已問曰子言伐莒  
 者邪對曰然管仲曰我不言伐莒子何故言對曰臣聞君子善  
 謀小人善意臣意之也君子有三色顯然善樂者鐘鼓之色也  
 湫然清靜者裹經之色也艷然充盈手足矜者兵革之色也日  
 者臣視二君之在臺上也口開而不闔是言莒也舉手而指勢  
 當莒也且臣觀小國諸侯之不服者唯莒臣故曰伐莒假道伐  
**虢** 晉荀息請以屈產之乘垂棘之璧假道於虞以伐虢虞公

許之宮之奇曰虞不臘矣晉滅虢還館於虞遂襲虞滅之荀息  
 牽馬操璧而前曰璧猶是馬齒加長矣 **舍衛不伐** 齊桓公合  
 諸侯衛人後至公朝而與管仲謀伐衛退朝而入衛姬望見君  
 下堂再拜請衛君之罪公曰吾於衛無故子盍為請曰妾望君  
 之入也足高氣強有伐國之志也見妾而有動色伐衛也明日  
 君朝揖管仲而進之管仲曰君舍衛乎公曰仲父安識之仲曰  
 君之揖朝也恭而言也徐見臣而有慙色臣是以知之君曰善  
 仲父治外夫人治內寡人知終不為諸侯笑矣 **越王伐吳** 越  
 謀滅吳蓄天下奇寶美入異味以進於吳得陰峰之瑤古皇之  
 驥湘沅之鱉又有美女二人一名夷光一名修明即西施鄭旦以貢



於吳王妖惑忘政及越兵入國乃抱二女以逃吳苑初越王入國有丹烏夾王而飛故勾踐起望爲臺李靖將兵伐梁直抵江陵大獲舟艦盡投江中諸將曰柰何棄以資敵靖曰蕭銑之地南出嶺表東拒洞庭吾懸軍深入若援兵四集表裏受敵雖有舟楫將安用之今棄舟使塞江而下援兵見之必謂江陵已破未敢輕進援兵見舟艦果驚不進銑內外阻絕乃降鼓作氣左傳齊師伐魯戰於長勺公將鼓之曹劌曰未可齊人三鼓劌曰可矣齊師敗績公將馳之劌曰未可下視其轍登軾而望之曰可矣遂逐齊師既克公問其故對曰夫戰勇氣也一鼓作氣再而衰三而竭彼竭我盈故剋之夫大國難測

也懼有伏焉吾視其轍亂望其旗靡故逐之百戰百勝戰國策魏太子自將過宋外黃外黃徐子曰臣有百戰百勝之術太子能聽臣乎太子曰願聞之客曰固願效之今太子自將攻齊大勝并首則富不過有魏而貴不益爲王若戰不勝則萬世無魏此臣之百戰百勝之術也

號令

禮記凡執禁以齊衆罪不赦過 申嚴號令 周禮挈壺氏挈壺以令軍井挈轡以令舍挈斧以令糧

注壺所以成飲故以壺表井轡所以駕舍故以轡表舍斧所以盛糧故以斧表庫 書濟濟有衆咸聽朕命 謹乃出令 行出惟行不惟反 孫子三令五申 史記軍中聞將軍令行



間將整其什伍令下不可以二三 整必勝之衆實在中權勵  
賈勇之夫必曰下令 類函

**倚鞍而令**

吳起為西河守秦有小亭臨境吳起欲攻之不去

則甚害田者去之則不足以徵甲兵於是乃倚一車轅於北門  
之外而令之曰有能徙此南門之外者賜之上田上宅人莫之  
徙也及有徙之者還賜之如今明日且攻亭有能先登者仕之  
國大夫賜之上田宅人爭趨之於是攻亭一朝而拔之 **取米殺妻**

**髮** 見麥 **取米殺妻**

晉永嘉亂郭默率衆自為塢撫循將士

甚得懷心然婦兄陸嘉取官米十石餉妹默自殺妻以明無私  
也 **射聲校尉** 孫松於公子中最親戲下兵不整陸遜

對之斃其職吏 **斬監軍**

穰苴請莊賈為監軍日暮方來遂斬

之取益斬士

呂蒙入南郡令軍不得干歷人家蒙麾下士取

民之笠以覆官鎧蒙曰不可以鄉里故廢法垂涕斬之蒙與士  
俱汝南人也 **斬二隊長** 闔廬謂孫武曰子兵法可教婦人乎

曰可於是出宮女三千分為二隊寵姬二人為隊長三令五申

鼓之婦人大笑孫子斬二隊長用其次為隊長於是左右前後

皆中規矩 **斬衛史**

李光弼奉詔守太原御史崔衆不以時交

軍又傲易光弼命斬之三軍股栗 **取衆嚴整** 楊素用兵多權

略馭衆嚴整每將臨敵必求人過失而斬之多至百餘人流血

盈前言笑自若及對陳先令一二百人赴敵或不能陷陣而返



者悉斬之更令二三百人復進返亦如之將士股慄有必死之心由是戰無不勝稱為名將從素行者微功必錄故素雖殘忍上亦以此願從焉曹瑀為將四十年未嘗少失利嚼廝囉每望瑀所在合手加額契丹使過天雄部騎兵無敢馳驅初守邊時山東名士賈同造瑀客外舍瑀欲拔邊郎同舍邀與俱同問從兵何在曰已具既出就騎見甲士三千環列初不聞人馬聲同歸語人曰瑀殆名將也曲端事見鶴  
李晟收復京城朱泚與姚令言率眾西走晟令諸軍曰晟賴將士之力克清宮禁君小有震驚非吊民伐罪之意晟與公等室家相見非晚五日內無得通家信大將高明曜取

賊妓尚可孤軍士取賊馬晟皆斬之軍中股栗公私安堵秋毫無犯遣掌書記于公異作露布上行在曰臣已肅清宮禁祗謁寢園鐘簋不移廟貌如故上感涕失聲左右六宮皆嗚咽論者以國朝捷書露布無如此者

### 講武

周禮大司馬中春教振旅中夏教養舍中秋教治兵中冬教大閱 爾雅起大事動大衆必先有事于社

稷而後出謂之宜也 公羊傳大閱者何閱兵車也修教明論國道也 爾雅出曰治兵尚威武也八曰振旅反尊卑也 陳琳云百將羅峙千部列陳干戈森其若林牙旗翻以如繪 應瑒云百兩彌塗方軌連衡朱騎風馳鵬落層城 班固銘元戎



輕武長轂四分雷輜蔽路萬有餘乘勒以八陣位以威神玄甲  
耀日朱旗絳天 左思云羽毛揚蕤雜戟耀鉉貝曹象弭織文  
烏章 楊德潤云聲如震雷氣如通雲 長楊賦聖武勃怒爰  
整其旅雲合電發颺騰波流疾如奔星擊如震霆 齊都賦動  
猶風雨戰若雷霆精逸擊電奔越驚風 月令季秋天子乃教  
田獵以習五戎班馬政命僕夫七駟咸駕有司摺拊北面以誓  
之天子乃厲飾執弓挾矢以獵厲飾戎服也 傳三時務農一  
時講武一時冬也 三年而治兵以數軍實五載大簡車徒  
孟秋天子命將帥選士勵兵簡練傑俊專任有功以征不義詰  
誅暴慢 季冬命將帥講武習射御角力 後漢咸和中詔內

外軍戲兵于南郊之場名曰闔場 行孫武之法治子文之兵

將整堂堂之陣必訓赴赴之夫 率素勵以行必無勇也驅白

徒而戰是謂棄之 素勵空猛非勇也 徒不習訓之師

### 火攻

孫子曰火攻有五 一曰火人 二曰火積 三曰火輜 四  
曰火庫 五曰火墜 發火有時起火有日時者天之

燥也日者宿在戌箕東壁翼軫也凡此四宿者風起之日 火

發而其兵靜者待而勿攻極其火力可從而從之不可從而止

### 火宗

以驍騎夜銜枚縛馬口人負束薪束蘊懷火直抵敵營

一時舉火營中驚亂急而乘之靜而不亂捨而勿攻 **火獸** 以

艾燭火置瓢中瓢開四孔繫瓢於野猪麋鹿項上針其尾端向



營而縱之奔走入草瓢敗火發火禽以胡桃部分空中實艾

火開兩孔復合繫野鷄項下針其尾而縱之奔入草器敗火發

**火盜**遣人宵服與敵同者夜竊號逐便懷火偷入營焚其積

聚火發亂而出**火弩**以擘張弩射及三百步者以瓢盛火冠

矢端以數百張中夜齊射敵營此所謂火墜也**李陵絕火**李

陵征匈奴及於大澤匈奴於上風縱火陵亦先放火烧斷葭

用絕火勢**皇甫縱火**皇甫嵩討張角保長杜賊來圍城嵩曰

賊依草結營若因夜縱火出兵擊之其功可成其夕大風嵩使

銳士間出圍外縱火大呼城上舉燎應之賊驚亂奔走嵩進兵

討之大破之**段韶火弩**後周伐高齊齊將段韶禦之西境有

桓谷城乃絕險千仞諸將莫肯攻圍韶曰城勢雖高其中甚狹

火弩射之一旦可盡諸將稱善遂鳴鼓而攻之城遂潰**縱火取**

**陳**隋高顛獻取陳之策曰江南土薄舍多竹茅所有儲積皆

非地窖密遣人因風縱火待彼修葺復更燒之不出數年自可

財力俱盡帝行其策由是陳人日散亦**屢焚舟**周瑜與曹操

戰於赤壁因東南風焚其舟曹軍敗還**江道火鷄**見鷄

**燧象**楚昭王執燧象以奔吳師**火牛**田單事**焚咸丘**公

牟傳焚咸丘火攻也疾始火攻注征伐之道不過用兵水火之

威疾其暴而不仁也**析松為炬**孫權攻合肥新城滿寵募壯

士數十人析松為炬灌麻油從上風放火烧城權遂退



**水戰**

左傳楚司馬子魚曰我得上流何故不克 國語越  
伐吳舟戰於江 漢武帝將攻昆明夷穿地習水戰

謂之昆明池 水戰之具其船濶狹長短隨用大小勝人多少  
皆以米為率一人重米二石其操棹蒿檣帆席纜索沉石調度

與常船不殊

**樓船**

船上建樓三重列女牆戰格射備檣柁弩矰矢穴置拋

車礮石鉄汁狀如城

**魚鱗**

以生牛皮蒙船覆背兩廂用掣

棹孔前後左右有弩矰矢穴此不用大船務於疾速乘人之不

**及闔艦**

船上設女牆可高三尺牆下用掣棹孔船內五尺又

建柁與女牆齊柁上又建女牆上無覆背前後左右射旗幡金

**鼓走舸**

舸上立女牆置棹夫多戰卒皆選勇力精銳者往

返如飛鷗乘人之不及

**游艇**

無女牆舸上置漿楸左右射火

小長短四尺一牀計會進止迴軍轉陣其疾如風

尾高前大後小如鷗之狀舸下左右置浮板形如翅翼以助其

舸雖風濤漲天免有傾側覆背上左右張生牛皮為城江海之

**中戰舸也**

**欒沙雍水**

韓信與龍首夾淮水陣佯不勝還走龍

首追信渡水信決壘囊急擊殺龍首以為神

劉黑闥反太

宗率兵討之先堰渚水上流使淺令劉黑闥渡水及戰遽令決  
堰水至深丈餘賊徒既敗爭渡水溺死者數千人咸以為神

**橋**

公孫述遣任滿田戎據荊州黃江作浮橋樹樓上檣柱絕



水道岑彭遣魯奇鼓舡逆流而上直衝浮橋而橫柱鈞舡不得  
進奇乘勢因飛炬焚之橋樓崩燒舡順風並進蜀兵大敗刀斷  
繼孫權討黃祖祖橫兩蒙衝夾水沔口以楫楫大紮繫石為  
訂上有千人以弩交射軍不得前董襲乘大舡突入蒙衝以刀  
斷兩紮衝乃橫流大兵遂進追而斬之權舉觴屬襲曰今日  
之會斷紮之功燒鐵鎖王濬伐吳吳以鐵鎖橫截之又作鉄  
錐丈餘闌置江中濬乃作筏數十縛草為人令先行錐輒著筏  
去作炬長十餘圍灌以麻油遇鎖然炬燒之復更灑液斷絕船  
行無礙也采石戰古今水戰采石比赤壁尤奇且難周瑜主  
將而允文書生也瑜握重兵而允文空拳瑜有孔明而允文隻

手也代辭編

# 守城

易重門擊柝以待暴客 王公設險以守其國 禮  
記大道隱天下為家城郭溝池以為固 古者大國  
過小邑及飾城而請罪禮也飾城修守備也 孫子善守者藏  
於九地之下善攻者動於九天之上

## 負戶而汲

王粲玉邑攻昆陽積弩亂發矢下如雨城中負戶  
而汲衆無二心耿恭在疏勒救兵不至軍師復反與匈奴共

攻恭數月食盡窮困乃煮鐵弩食其筋韋恭與士卒推誠同死  
生故皆無二心也昆陽守野史昆陽被圍時其池夜夜生芋  
人食其根馬食其苗理或然也益天守李嗣昭守上黨為汴



人所圍城中揔炭畫嗣昭祭天地俄而地生鹹取以煎鹽甚美  
又掘得石炭晉王自將解圍躬奠其地立二廟曰鹽神炭神

### 器械

器械不利以其卒與敵也 武王曰五帝之時無守  
戰之具國存者何太公曰守戰之具皆在民間耒耜  
者是其弓弩也鋤耜者是其矛戟也登筮者是其旂也鑿斧  
者是其攻戰之具也雞狗者是其鉦鼓也

### 間諜

孫子三軍之親莫親於間賞莫厚於間事莫密於間  
非聖智不能用間非微密者不能得間之實間事未  
發而先聞其間者與所告者皆死 用間有五有因間有內間  
有反間有死間有生間五間俱起莫知其道是謂神紀 唯明

人為能饗帝唯孝子為能饗親 祭法燔柴于泰壇祭天也瘞  
于泰折祭地也泰壇即圜丘泰折即方丘

### 乘騾告城

唐開元記上到泰山益州進白騾至潔朗豐潤上

遠親乘之柔順安便不知登降之仙告成禮畢復乘而下纒下  
山休息未久而有言白騾無疾而殞上嘆惜久之謚曰白騾將  
軍命有司具榘檟疊石為墓墓在封禪壇北一里餘 又維繫酒  
徐釋為太尉黃瓊所辟不就及瓊卒歸葬自負粮徒步到江夏  
哭之設鷄酒薄祭哭畢而去不告姓名 又三死傳 白傳葬龍  
門山河南尹盧貞刻醉吟先生傳立於墓側今洛陽士庶及西  
方遊人過其墓者必奠以卮酒冢前方丈之土常成泥潭 駁本



**夜奠** 萊國公杜如晦葬太宗詔虞世南為製碑文後因食瓜  
羨愴然悼之遂輟食遣夜奠於靈座

**賻贈**

賻助也贈者赴也所以助生送死追遠思終副至意  
也貨財曰賻車馬曰賻玩好曰贈衣被曰禮贈之為

言稱也禮之為言遺也

白虎通

吊喪不能賻不問其所費曲禮乘

馬曰賻衣衾曰禮貝玉曰賻錢財曰賻梁賻賻所以佐生贈

禮所以送死

**賻布班貧**

子柳之母死子碩曰請粥庶弟之母子柳曰如之

何其稱人之母以葬其母也不可既葬子碩欲以賻布之餘具

祭器子柳曰不可吾聞之也君子不家於喪請班諸兄弟之貧

韋孝寬守玉壁忌光英勇孝寬察其巖頗知卜筮謂孝寬曰

來年齊朝必大相殺戮孝寬因令嚴作誣言令間諜漏其文於

鄴曰百外飛上天明月照長安又曰高山不推自崩柵樹不扶

自豎後主誅光陰緩生口

班超發于闐諸國兵擊莎車龜茲

二國揚言兵少不敵罷散乃陰緩生口歸以告龜茲王喜而不

虞超即潛勒兵馳赴莎車大破降之倚城舉火晉益州牧羅

尚遣將隗伯攻蜀賊李雄於郫城互有勝負雄乃募武都人朴

泰鞭之見血使譎羅尚欲為內應以火為期尚信之悉出精兵

遣隗伯等率兵從泰擊雄雄將李驥於道設伏泰以長梯倚城

而舉火伯軍見火起而爭緣梯泰又以繩汲上尚軍百餘人皆



類考卷之三十三  
三五  
斬之雄因放兵內外擊之大破尚軍袍領藏書种世衡在青  
礪僧法崧以義烈著名世衡遇之甚厚一日忽怒曰汝與賊連  
何也樺掠濱死崧曰公聽奸人言殺則死矣終不以不義自誣  
世衡謝之曰聊相試耳欲使為間崧許之衡解所服絮袍贈之  
曰胡地苦寒以此為別至彼求見遇乞遇乞虜中謀主也崧間  
關求見遇乞虜人覺而疑之發袍領中得衡與遇乞書崧初不  
知虜人苦之備至終不言虜因疑遇乞舍崧於北境久之遇乞  
終以疑死崧亡歸盡得虜情以報後官至諸司使歸姓為王

### 戍卒

左傳齊侯使連稱管至父戍葵丘瓜時而往及瓜而  
代毛傳戍守也秦發閭左戍漁陽婁敬戍隴

西 天子曰勤戍五年予一人無日忘之 武帝時女子乘亭  
障 蓋寬饒為司隸子常步行自戍邊

### 烽燧

說文烽侯表也邊有警則舉火 邊方避寇作高土  
檜檜上作桔槔以薪草置其中常低之有寇即火燃

舉之以相告曰烽 晝曰燧夜曰烽 隋法賊少舉二烽來多  
舉三烽大逼舉四烽 諭蜀文邊郡之士聞烽舉燧皆懼而馳  
荷兵而走唯恐居後 狼糞烟直上烽火用之 崔寔為五原  
太守嚴烽侯虜不敢犯 种嵩為度遠將軍先宣恩信羌來隆  
服乃去烽火侯望也 祭彤撫夷狄以恩信論曰政移狄俗乃  
卧鼓於邊庭滅烽於幽障 文帝時匈奴大入烽火通於甘泉



長安 周幽王舉烽火無寇褒姒大笑 魏公子與魏王博舉  
烽火言趙寇至公子曰趙王獵非為寇也

**斥侯**

周禮懸壺以叙聚橐 李廣行無部曲行陣遠斥侯  
未嘗遇害 耿秉字伯初休止不結營部遠斥侯有  
警軍陣立成 趙充國遠斥侯行必戰備止必堅壁

**糧餉**

魏志張既曰軍無見糧以敵為資 孫子因糧於敵  
項籍傳卒食半殺軍無見糧 羸糧影從 傳統不  
畜也亟戰將饑 周禮挈釜以令糧 詩乃裹糒糧 書峙乃  
糗糧無敢不供 漢書千里餽糧士有飢色 吳起親裹羸糧  
蕭何給餽餉不絕糧道 諸葛亮作木牛流馬以運糧 李陵

與士卒絕甘分少 卜式請半家財以助邊 晁錯募民入粟  
塞下

**羸三日糧**

魏氏武卒衣三屬之甲負戈弩於其上羸三日之

糧日中而趨百里中選者復其戶注日中謂一日之中 項羽

救趙持三日糧示士必死 **二千斛** 鄧禹糧乏王丹率宗族

上麥二千斛 **田千石** 李牧居邊軍市之租皆用饗士 **分熟食**

闔閭在軍熟食者分而後敢食 **進軍糧** 魏揚沛孔渠為新鄭

長課民備乾糲收勞豆得數千斛後太祖西迎天子將士無糧

乃進乾糲太祖大喜 **呼庚癸** 吳中叔儀乞糧於魯公孫有山

山曰登首山呼庚癸 **煮鐵弩食其**



筋不運斬 孫堅討董卓至南陽太守張資不運軍糧堅為疾資省之遂拔劍斬於軍門 不負負者 杜畿為河東太守魏祖征漢中遣五千人運運者相率曰勉之人生有一死不可負我使君無一人逃亡 卒鍾致石 主父偃曰秦使天下飛芻輓粟負海轉輸率三十鍾而致一石 就五致 虞詡擊羌運糧艱澀驢馬負載僦五致一謂燒石翦木開漕以入僦直於是水運通利 振廩同食 楚莊伐庸自廩以往振廩同食振廢也同食上下無異 仰食 秦檝袁紹軍河北軍人仰食秦檝袁術袁術在淮南取給蒲 贏以餉饋 羊祜出軍至吳境刈稻為糧計所取送餉償之

陣 黃帝為五陣直銳圓方曲也 太公三陣星宿孤虛為天陣山川背向為地陣編伍彌縫為人陣 風后八陣天地

風雲虎翼蛇蟠龍飛為翔也 孫子八陣方圓牝牡衡直方宜車輪鴈行也 吳起八陣曲直銳卦車箱車軋鵠直衝也

孔明八陣洞堂中黃龍騰為翔連衡握奇虎翼折衝也 魏田預討烏桓虜伏騎擊之預因地形迴軍結固陣複陣圓陣 唐

高宗問兵家有三陣何謂耶員半千對曰臣聞古者星宿孤虛天陣也山川背地陣也編伍彌縫人陣也臣謂不然夫師以義出沛者時雨得天之時為天陣只食約費且耕且戰得地之宜為地陣舉三軍之士如子弟從父兄得人之和為人陣 范



蠡曰凡陣之道設右為牝左為牡 宋神宗以唐李靖無全書而見之通典命王震解釋謂內侍李憲曰黃帝制八陣武侯為八陣圖桓温為常山蛇勢即九軍陣法韓擒虎以授李靖時知兵者少故作六花陣八陣即九軍九軍者方陣六花陣七軍七軍者圓陣 唐太宗謂李靖曰卿所製六花陣法出何術乎靖曰臣所本諸葛亮八陣法也大陣包小陣大營包小營隅落鈞連曲折相對古制如此臣因為圖之故外畫之方內環之圓是成六花俗所號爾 太宗命李靖教侯君集兵法既而君集奏靖且反兵之隱微不以示臣帝責靖靖曰方中國無事臣之所教足以制四夷已矣而君集欲盡臣術此君集欲反耳

**魚麗** 鄭原繁高渠彌以中軍奉公為魚麗之陣 **支離** 魯哀

公為支離陣之卒以侵衛衛人病之 **背水** 韓信攻趙背水為

陣 **因山** 項羽引其騎因四隄山而為圍陳 **石壘** 孔明於漢

中積石為壘為八行相去二丈許謂之八陣圖子今儼然常有

鼓甲之聲天陰彌響 **以克相應** 玄女兵法去敵人為圓陣已

以直陣攻之方陣以銳陣攻之銳陣以曲陣攻之曲陣以圓陣

攻之各以能克者應勝之 **合騎之校** 陳湯伐西域韓延壽欲

止焉湯怒按劍叱延壽曰大衆已集堅子欲沮衆耶延壽遂從

之部勒行陳益置楊威白虎合騎之校合四萬餘人 **山岳之盤**

任子云善陣者徒衆整一如列宿之陣部伍周迴如山岳之盤



**越鴈鄭鶴**

越鴈吳越春秋陣名 左傳衛公子朝救宋與華氏戰於赭丘鄭翩願為鶴其御願為鵝皆陣名

**從軍**

**宗族從軍**

蕭何遣宗族子弟從軍待漢王 耿純

字伯山率宗族賓客三千人從世祖恐賓客有異心

乃燒其廬舍以絕反顧之望 魏韋成宗族三千人居乘氏

請從魏太祖曰卿欲慕耿純耶謝曰臣功微寵過舉宗陳力今

征伐未息宜實郊隊非敢望純 臧霸率子弟請收族屬請

**卜式奮身**

卜式上書聞南越反願父子與齊習戰船往死之

下詔曰齊相卜式願奮身國難賜爵關內侯 呂蒙

年十五六竊隨姊夫鄧當擊賊當願見呵叱不能禁止歸自母

見志

**張奮領兵**

張昭弟子奮年未二十步騭薦之昭不願曰

汝年少對曰童汪死難子奇治阿奮不才年不為少也領兵連

有功

**發兵**

**羽檄**

高祖曰吾以羽檄徵天下兵未有至者

武帝曰吾新即位不欲出虎符恐驚吾郡國乃遣嚴

助以節發會稽兵 王制有發則命大司徒教士以

**車甲司馬請瑞**

傳曰司馬請瑞符節以發兵

光武每發兵頭鬢皆白 漢王在荊陽蕭何發關

中老弱未傅者悉赴軍注古者二十而赴 黃霸為

京兆尹發騎出詣北軍以馬不適士劾注馬少士多不相補滿



也

**勝捷**

周禮王師大獻則合奏愷樂注大獻獻捷於祖也左傳師克在和不在衆商周之不敵君之所聞也晉師

往歲克敵今又勝鄂天幸多矣師有功國人喜以逆之夢子

曰古者明王伐不敬取其鯨鯢而封之以為大戮于是乎有京

觀以懲淫慝單襄公曰蠻夷戎狄不式王命淫面毀常王命

伐之則有獻捷王親受而勞之所以懲不敬勸有功也詩四

牡業業一月三捷振旅闐闐攸戴安安矯矯武臣在泮獻

馘

**聞喜**

武帝將幸絳氏至左邑桐鄉聞南越破以為聞喜縣獲

**嘉**

元鼎六年帝至汲新中鄉得呂嘉首以為獲嘉縣

驃騎將軍霍去病破匈奴渾邪王封狼居胥山禪於姑衍登臨

瀚海勒燕然實憲奮擊匈奴以贖罪使班固勒燕然銘破鄯

支陳湯矯制發兵斬鄯支單于於康居擒益獲諸葛亮七

擒孟獲猶有憂色趙襄子攻翟勝之有憂色孔子曰趙氏其

昌乎勝非其難持之為難城濮之役楚師敗績晉文猶有憂

色曰得臣猶在憂未歇也三周不在晉敗齊師于鞏逐之三

周華不注七戰皆獲畢萬匹夫也七戰皆獲有馬百乘充國

振旅充國引兵至先零先零棄輜重走振旅還京元凱平吳

庾信賦平吳之功壯於杜元凱戰擒曜趙王勅謂徐光曰



庸人皆謂劉曜鋒不可當曜甲十萬攻一城而百日不克師老  
卒怠以我初銳擊之可一戰而擒也帥步騎四萬入洛陽城擊  
其前鋒曜素嗜酒至是將戰飲數斗昏醉墜馬為所執勒下令  
曰所欲擒者一人耳今已獲之其抑鋒止銳繼其歸命

**地** 李光弼鎮河陽史思明及賊將周摯來攻光弼登城望曰  
賊兵多而不整不足畏也不過日中保為諸君破之令曰爾輩  
望吾旗而戰吾急颺旗三至地則萬眾齊入死生以之少退則  
斬乃命出戰又以短刀置韉中曰吾國之三公不可死賊手萬  
一不利我自到不令諸君獨死連颺其旗諸將齊進致死呼聲  
動天地賊眾大潰思明及摯輩皆遁去

**順昌大捷** 劉錡至順

昌城中為守禦計諸將皆曰金兵不可敵也請順流還江南錡  
曰有城可守奈何棄之吾意決矣敢言去者斬乃鑿舟沉之寘  
家寺中積薪於門戒守者曰脫有不利即焚吾家毋辱敵手也  
既而金三路都統葛王烏祿以兵三萬與龍虎大王合而薄城  
順昌圍已四日金兵益盛錡募壯士五百夜斫其營是夕天欲  
雨電光四起直犯金營電所燭則奮擊電止則匿不動敵眾大  
亂終夜自戰積屍盈野兀朮在汴聞之即索靴上馬帥十萬眾  
來援至城下責諸將喪師眾皆曰南朝用兵非昔之比兀朮怒  
曰劉錡何敢與我戰以吾力破汝城真用靴尖趨倒耳錡乃遣  
數千人出南門戒令勿喊但以銳斧犯之敵大敗兀朮拔營去



錡遣兵追之死者數萬棄屍斃馬肉枕籍車旗器甲積如山  
車既而共皓自金密奏順昌之捷金人震恐喪魂意欲捐燕以  
南棄之八日破賊岳飛討楊么將至潭洲乃先遣使招諭之  
其黨黃佐曰岳節使號令如山若與戰萬無生理不如往降遂  
降飛單騎按其部拊佐背曰子知逆順者佐感泣誓以死報會  
朝旨召張浚浚欲俟來年議之飛曰都督能少留八日可破賊  
浚曰何言之易飛遂如鼎州黃佐招楊欽來降飛喜曰楊欽既  
降敵腹心潰矣掩賊營降其衆數萬么負固不服方浮舟湖中  
以輪激水其行如飛飛伐君山木為巨筏塞諸港又以腐木亂  
草浮上流而下草木擁積舟輪碍不得行飛急擊之賊奔港中

為筏所拒公技窮赴水死飛入賊壘餘酋驚曰何神也俱請降  
衆凡二十餘萬八日而捷書至潭浚嘆曰岳侯神筆也

**受降**

**肉袒牽羊**

左傳楚圍鄭三月克之鄭伯肉袒牽羊

以逆

公羊傳楚子圍鄭鄭伯肉袒左執茅旌右執

鸞乃以逆莊王注茅旌祀宗廟所用鸞乃宗廟割切之刀示以  
宗廟不血食自歸者也待以不死赤眉遇光武軍驚震不知  
所為乃遣劉恭乞降曰盆子將百萬衆降陛下何以待之上曰  
待汝以不死耳裝車迎降渾邪王來降漢裝車二百乘迎之  
汲黯以為不可受降不受朱雋字公健攻黃巾黃巾乞降雋  
曰秦項之際人無定主故貴附以勸來今海內一統納降無以



賞勸討之足以懲惡緩敵受寇非良策遂破之此事與荀彧事  
同意異 左傳荀彧圍鼓鼓人請以城叛穆子不許曰猶有食  
邑姑修而城食竭力盡而後取不戮一人曰吾以事君也 **因壘**  
**而降** 文王伐崇軍三旬不降退而修德而復伐之因壘而降  
**殺降有禍** 李廣不封侯相王朔云禍莫大於殺降 白起坑  
趙降卒四十萬於長平後賜劍死於杜郵 吳程晉殺降者數  
百人皆使投火即有病瘖百餘日而卒 **積日受降** 漢晉春秋  
初霍光使楊稷毛靈屯交趾曰賊圍未百日而降者家屬誅過  
百日而降刺史受其罪及具陶璜圍之日未滿而糧盡乞降璜  
不許而給糧日滿糧盡故不至乃受降與荀彧事正類也 **白馬**

**後事** 後漢李憲屯隔山揚州牧歐陽歙攻不剋廬江人陳衆  
請得譬諭降之單車白馬往說而降之人生為立祠號白馬從  
**事于禁** 諸將皆以當送太祖禁又與孫有  
舊禁曰諸公不聞今乎圍而後降不赦雖舊不敢失法泣涕斬  
之 于禁降開羽帥文帝慰諭遣諸將高陵先令于陵屋盡開  
羽戰克龐德積怒禁降伏之狀禁遂死馬 **欲侯徐廬** 漢匈奴  
徐廬降景帝欲侯之周亞夫曰彼背其主而侯何以責人臣不  
守節上曰丞相議不可用 **陰畏其眾** 康居太子保蘇匿率眾  
數萬餘欲降改會宗漢遣衛司馬逢迎司馬畏其眾欲受降者  
皆自縛蘇匿怨舉眾亡矣 耿秉擊車師云受降如受敵 **白屋**



**主** 匈奴攻耿恭遣使招恭曰若降當封為白屋王

**救援**

鄭子駟如秦乞師曰大國在敝邑之宇下是以告急

同恤社稷之難 晉禦其上戎克其下譬如捕鹿

晉人持之諸戎角之 穀梁 傳諸侯相滅亡齊不相救則桓公

恥之

**十有矣**

申包胥詣秦乞師七日哭一宿行

趙魏攻韓韓使

陳筮如秦乞師曰事急矣公雖病為一宿之行見穰侯曰急

乎筮曰未急穰侯怒曰冠蓋相望告敝邑言未急何筮曰急將

**變竊符救趙**

信陵君竊軍符於魏王卧内矯設晉鄙軍以

**救趙堅壁不出**

吳楚攻梁梁急日使使請救於周亞夫亞夫

堅壁不出但絕其糧道兵食盡而退擊大敗之 後漢馬武王

霸攻周建武敗奔霸堅壁示不相援賊乘時輕進龍首破之

**不相救**

世祖擊赤眉耿純營在前去衆營數里賊夜攻純純

選敢死士出戰敗之世祖明旦與諸將至營勞純曰昨夜困乎

大軍不可夜動故不相救也 **劉備求救於呂布布**

曰布好解鬪今植戟營門射小支中則諸軍皆罷一葺中之遠

罷兵

**敗軍**

管仲曰吾嘗三戰三北鮑叔不以吾為怯知我親在  
故也 秦伯不替孟明曰吾不以一眚掩大德 大

百五十三 四十五



崩曰敗績 周禮師不功則厭而奉主注厭喪冠也 左傳蔡  
衛不枝固將先奔 成師以出聞敵彊而退非夫也 視其翰  
亂望其旗靡故逐之 軍有敗謀師無成命 既未知兵何以  
為將 此無遺鏃之費彼有倒戈之功 戰士不能深入大夫  
無乃淺為 晉人拔數奔之旆衛侯去甚敗之旗 有命出征  
且期後勁 無剛嘗寇遠見出奔

### 馬政

周禮夏官天子十有二閑馬六種邦國六閑馬四種  
家四閑馬二種春祭馬祖執駒夏祭先牧頒馬政特  
秋祭馬杜櫜僕冬祭馬步獻馬講馭夫 詩思無邪思馬斯祖  
言其牧馬之盛由其立心之遠也

### 取給邊郡

漢文初年厩馬止百餘匹下取給于邊郡班氏  
居塞則致馬數千群橋挑居塞則致馬千匹 景  
帝時御史大夫鄧綰奏禁馬高九尺五寸以上齒未平者不得出  
關大僕牧師諸苑三十六所分布西北邊以郎為苑監官奴婢  
三萬人養馬三萬匹 武帝征伐西夷以西河上郡  
為萬騎太守而馬政始掌千郡二千石矣至于厩馬四十萬匹  
自造衛霍追匈奴而馬始大耗 唐高祖得批馬三  
千匹命太僕張萬歲掌之善于其職貞觀至麟德馬甚蕃息  
及七十萬匹 玄宗以太僕王毛仲為內外閑厩使使以卿張  
景順副之開元間馬有四十萬匹 元鳳二年令郡



國母欵今年馬口錢又令民有車騎馬一匹者復卒三人又閑  
居則免三人之筭有事則當三人之卒至于邊郡則縱民畜牧  
而官不禁市德宗建中元年市閑輔馬三萬匹實內厩  
元和十年伐蔡命中使以絹一萬市馬河西宋太宗雍熙初  
分遣使臣收買京城諸道私家所產之馬謂四馬太宗既  
平太原得晉燕薊之馬凡四萬二千餘匹詔于景陽門外新  
作四厩名曰天駟監左右各二以左右飛龍使為左右天厩使  
閑厩使為崇儀使內厩既充物始分置諸州收養

類苑叢寶卷之二十三

類苑叢寶卷之二十四

刑部

刑法

通典黃帝以兵定天下此刑之大者陶唐以來未聞其  
制虞舜建法曰象以典刑後又作禹刑殷作湯刑

周秋官之職建三典一曰刑新國用輕典二曰刑平國用中典  
三曰刑亂國用重典五刑之法墨者使守門劓者守闕宮者  
守內刑者守圜髡者守積王之同族不處  
宮刑髡頭而已周官大司寇之職以  
五刑糾萬民一曰野刑上功糾力二曰軍刑上命糾守三曰卿  
刑上德糾孝四曰官刑上能糾職五曰國刑上愿糾暴糾謂察  
異也德多刑少者五帝也刑德相半者三王也刑多德少者



五霸也純用刑而亡者秦也世要論臧文仲曰大刑用甲兵其次用斧鉞中刑用刀鋸其次用鑕鑿薄刑用鞭扑以威民也國語董仲舒曰陽為德陰為刑陽常居大夏而生育養長為事陰居大冬而積於虛空不用之處以此見天之任德不任刑者也唐林云秦設重刑而群盜盈山赤衣半道尸子刑罰者民之鞭策也抱朴子明君罰擬秋霜而無詭時之嚴文子道狹任智德薄任刑阮子漁人羅於淵以制吞舟之魚明主張法天下以制陸梁之士也白虎通聖人治天下必有刑法何所以佐德助治也張斐律序鄭鑄刑書晉作執秩趙制國律楚造僕區物理論為禁令者急之於未然寬之於已發譬之河

隄千里憂在蟻穴禮記刑者成也一成不變梁統傳五帝三王之刑除殘去亂鞭扑不可弛於家刑罰不可廢於國野出入不以道義者其刑黑章與服制度者其刑剗踰城郭而盜者其刑膺男女不義交者其刑宮降叛寇賊劫掠者其刑死周禮大司徒以刑教中則民不譌音暴大司寇以兩造禁民訟入東夫然後聽之所以自明其直也以兩劑禁獄入鈞金然後聽之所以自明其實也鈞三十斤大司寇以嘉石平罷民凡萬民之有罪過而麗于法害于州里者桎梏而坐諸嘉石以肺石達窮民凡民有冤抑而訴于上者立于肺石士聽其辭以告于王注云嘉石文石也樹之外朝門左罷民未入國土平之以嘉



石使之思其文理肺石赤石也 以八辟麗邦法一議親二議  
故三議賢四議能五議功六議貴七議勤八議實 司寇正刑  
明辟必三刺一曰訊群臣二曰訊群吏三曰訊萬民其有罪方  
殺之以示不枉濫者 元命苞刑者例也 說文曰刀守井也  
飲之人入井陷於川刀守之割其情也 曰言為詈刀守詈為罰  
罰之為言內也陷於害也 管子法者所以興功懼暴律者所  
以定分止爭也 韓子治大國而數變法則民苦之是以有道  
之君貴虛靜而重變法 又曰釋法術而思治堯不能正一國  
去規矩妄意度奚仲不能成一輪廢尺寸而差長短王甬不能  
命中使中主守法術拙匠執規矩尺寸則萬不失一 慎子法

之功莫大使私不行今立法行私是與法爭其亂甚於無法  
又曰治國無其法則亂守法而不變則衰有法而行私謂之不  
法以力役法者百姓也以死守法者有司也以道變法者君長  
也 鹽鐵論秦法繁於秋荼而密於凝脂然上下相趨姦偽萌  
生 又曰善言天者合之於人善言古者考之於今二尺四寸  
之律古今一也 月令季秋之月蟄蟲咸俯在內乃趣獄刑毋  
留有罪 祭統草艾則墨言立秋之後草自此可艾則墨刑可  
行也 周禮三宥一曰不識二曰過失三曰遺亡三赦一曰幼  
弱二曰老耄三曰蠢愚

**竹刑**

鄧駟歆殺鄧析而用其竹刑析欲改鄭舊制不受君命



而私造刑法書于竹簡故言竹刑鑄刑書鄭人鑄刑書叔向  
詒子產書曰夏有亂政而作禹刑商有亂政而作湯刑周有亂  
政而作九刑三辟之興皆叔世也今吾子鑄刑書將以靖民亦  
亦難乎入澗必死董安子行石阜山中見深澗峭如墻深百  
仞因問其鄉左右曰人嘗有入者乎對曰無有安子喟然嘆曰  
吾能治矣使吾法之無改猶入澗之必死也則民莫之犯何為  
不治不循三尺杜周為廷尉善伺候上所欲擠者陷之上所  
欲釋者微見其冤狀客曰君不循三尺法專以人主指為獄也  
周曰三尺安出哉前主著為律後主疏為令當時為是何古之  
法律令嚴壁東觀漢記陳寵曾祖父成成哀間以明律令嘗

為侍御史三莽篡位父子相將歸鄉里閉門不出入收家中律  
令文書壁藏之以俟明王咸常勅戒子孫為人議法當依輕雖  
有百金之利無與人重比故世人謂陳氏持法寬棄灰者刑  
轉子殷之法棄灰于術者刑子責以重問之仲尼仲尼曰棄灰  
于術必燔人人必怒怒則鬪鬪則三族相殺然則雖刑之可也  
去酒省肉杜緩為守治諸陵縣每月具獄常令去酒省肉  
官屬皆感其恩口案張九齡歷刑獄之司無所不察每有公  
事胥吏先取則于九齡九齡面分曲直口撰案卷囚無輕重咸  
當其罪時人謂之張公口案木囚論衡李子長為政欲知囚  
情以梧桐為人象囚之形鑿地為獄卧木囚其中囚當罪木囚



不動寃者木囚即起奮蓋囚之誠者木人也 **詳請王正** 唐柳

渾字夷曠判門下省王工為帝作帶誤毀一銙私市他玉足之

帝識不類擿之召京兆府論死渾曰陛下還赦之則已若委有

司須詳讞乃可誤傷乘輿器物罪止當杖請論如律工得不死

**誦貴履賤** 齊景公謂晏子曰子近市識貴賤乎對曰既利之

敢不識乎公曰何貴何賤于時景公繫于刑有甞誦者故對曰

誦貴履賤景公為是省于刑 **鑿頭抽** 刑法志韓任申子秦

用商鞅連相坐之法造參夷之誅增加肉刑大辟有鑿頭抽資

**鑊烹之刑** 漢武帝時作沉命法盜賊起不發覺而捕弗

滿品者主者皆死沉沒也蔽匿盜賊者沒其命 **鑄面** 張

歐字叔明為御史大夫未嘗案人官屬亦不大欺上具獄有可

却者却之不可者涕泣面封之背封不忍見也 **字以承** 後

漢虞翻字外卿祖父經為郡獄吏每上具涕泣隨之嘗曰昔子

公高其門閭其子至丞相吾子孫何必不為九卿曰字詡曰外

**卿** 李離晉文公理官也過聽殺人自拘當死文公

曰官有貴賤罰有輕重下吏有罪非子之過也離曰臣居官為

長不與吏讓受祿為多不與吏分過聽殺人傳罪下吏非所聞

伏劍而死

**酷刑** 商紂為梟斗以火燒然使人舉之手爛更

為銅柱名曰炮烙之刑 **殺伐之感** 漢陳成為南郡太



守以殺伐立威豪猾大姓犯法者輒符下司空為地白木杵或不中程輒加罪督作囚不勝痛有自剄而死者歲至數千百人司空主役官**夷狄令**漢初雖除秦法尚有夷三族之令當三族者皆先黥劓斬左右趾答殺之梟其首植其骨肉于市其誹謗詈詛者又先斷其舌故謂之具五刑韓彭之屬皆坐此誅**卷**一邳都遷為中尉獨先嚴酷行法不避貴戚列侯宗室見都側目而視號曰**蒼鷹赤豹**唐王旭為監察御史與御史李嵩李全交皆以嚴酷取名號三豹御史嵩為赤豹全交為白豹旭為黑豹間里相詛曰若違教值三豹**卷**辰二月王溫舒遷河內太守捕郡中豪猾相連坐千餘家流血十餘里盡十二月郡

中無大吠之盜會春溫舒頓足嘆曰嗟乎今冬月益展一月足吾事矣**不寒而栗**義縱遷定襄太守掩獄中重罪輕繫二百餘人及昆弟賓客私入相視亦二百餘人縱一捕鞠曰為死罪解脫是日報殺四百餘人郡中不寒而栗**赦至決刑**東漢周緡為渤海守酷虐任情每赦至先決刑後宣赦後父子皆伏誅**囚深次骨**杜周為中丞重遲外寬內深次骨及為廷尉二千石繫者不減百餘郡吏大府舉之廷尉一歲至千餘**示以三指**五代史洪肇民抵罪吏以白箠肇但以三指示之吏即腰斬之**直較屨**南漢劉龔性苛酷為刀鋸克解剝剔之刑每見殺人則不勝其喜不覺涎頤垂涎呀呷人以為真蛟蜃也**鋪**



天授中或告周興謀反詔來俊臣鞠狀初興未知被告乃對俊臣食俊臣曰囚多不服奈何興曰易耳內之火甕熾炭周之何事不服俊臣曰善命取甕且熾炭徐謂興曰有詔按君請嘗之興駭汗叩頭服罪請獄五代漢蘇逢吉性好殺高祖生日遣吉疏理獄囚以祈福謂之靜獄逢吉入獄中閱囚無輕重曲直悉殺之因報曰獄靜矣盜一錢死隋高祖行盜一錢棄市之法有數人劫執事者謂曰為我奏至尊自古以來體國立法未有盜一錢而死者也帝聞之詔停其法囚敲吹唐李匡遠性急一日不斷刑則慘然不樂嘗聞撻楚之聲則曰此一部肉鼓吹也臨終曰吾平生殺數十僧道以此享年八十二及葬盜鼓

其墓斷其四肢乃殘刑之報也乳虜竊成好氣為小吏必陵其長為人上操下急如東濕猾賊任威為閩都尉出入關者號曰寧逢乳虜無值竊成之怒屠伯嚴延年小學法律選河南太守冬月傳屬縣囚會論府上流血數里號曰屠伯張敞以書喻之延年報曰羨盛苗穢不可不除李鱗甲江表傳李嚴為都護用法深刻民歌之曰難可押李鱗甲古今所無羊聃時國威縱恣尤甚睚眦之嫌輒加刑殺遷廬陵太守疑郡人簡良等為賊殺二百餘人誅及嬰孩所斃錄復百餘庾亮執之歸于京都罪當死以羊后是其祖姑應入議成帝詔曰此事古今所無何人議之有其賜命獄所羊后入殿叩頭請命王導為蒼原



之頃之遇疾惶見簡良等為禁旬日而死拳擊木人 元嘉中

汝陽太守王道標作木人二枚高八尺豎著郡門有犯事者使

拳擊木人令倒者免罪力弱者手拳傷天狗 魏羊祉好

慕刑名頗為深文所經之處人號天狗下北史 唐虎 谷楷賦

一目而性甚嚴忍時人號曰瞎虎上唐虞備體 段文雲酷暴

殘忍非人理所及為家尤甚子姪僕隸恒瘡痍徧體上木手

河 李彪為中尉號為嚴酷以姦赦難得乃為木手擊其腦腋

又魁喻汾州叛胡皆鞭面殺之及彪病體上往創潰痛毒備

極彌尾青 魏宋翻為河陰令監舊有大枷時人號曰彌尾青

及翻為縣上吏請焚之翻曰且置子南墻下以待豪家後內監

楊小駒詣縣請事辭色不遜命取彌尾青以鎮之於是威振京

師刺眼斷舌 隋書魚贊性凶暴令左右炙肉遇不中意以籤

刺瞎其眼温酒不適口者立斷其舌試以 隋文帝時燕榮除

幽州總管嚴酷有威鞭笞左右動至千數流血盈前飲噉自若

嘗按部道次見畫荆堪為笞番命取之輒以試人人或自陳無

咎榮曰後有罪當免及後犯細過之人曰前日被杖許有罪宥

之榮曰無過尚爾况有過邪詐灌搨 元弘嗣文帝時為幽

州總管每鞠囚多以酢灌鼻或搯弋其下竅無敢隱情姦偽屏

息北史 時謂於 趙仲卿性暴文帝時遷朔州總管時塞

北盛興屯田仲卿總統之微有不理者仲卿輒召主掌推其背



背或解衣倒曳於荆棘中時人謂之於菟生羅刹張和思斷

獄囚無問善惡貴賤必被枷鎖杻械困苦備極囚徒見者破膽

喪魂號生羅刹其妻前後孕男女四人臨產即悶絕求死所生

男女皆着肉鑱手脚並有肉杻束縛連絆墮地後為縣令坐法

杖死飲醋炙艾崔弘度性嚴酷為襄州總管吏人戰栗時有

屈突蓋者亦嚴刻長安為之語曰寧飲三斗醋不見崔弘度寧

炙三斗艾不逢屈突蓋兄通為左衛將軍涖官勳直時語曰

寧食三斗葱不逢屈突通隋書湯德幹歷刺史立威人語曰寧

食三斗炭不逢湯德幹唐書斬奴明法洛州都督竇軌太穆

皇后三從兄性剛嚴好殺為益州行臺僕射多殺將士其部眾

無貴賤少長不恭命即立斬之每日吏士多被鞭撻流血滿庭

軌初入蜀將生甥以為心腹嘗夜出呼之不以時至怒而斬之

每誠家僮不得出外嘗遣奴就官厨取漿而悔之謂奴曰我誠

使汝要當斬汝頭以明法耳遣其部將收奴斬之其奴稱冤監

刑者猶豫未決軌怒俱斬之唐書十加來俊臣每鞠囚無問

輕重多以醋灌鼻禁地牢中絕其糧餉至有抽衣絮以噉之者

其所作大枷凡有十號曰定百脉曰喘不得曰突地吼曰着即

承曰失魂膽曰實同反曰及是實曰死猪愁曰求即死曰求破

家牛頭夜叉周興拷縛罪人有仙鶴曬翅胡孫碾茶鬼曳鑽牛

拔橛之名時人呼為牛頭夜叉索使周推事使索元禮時人



號為索使為訊囚酷法或以椽關手足而轉之謂之鳳凰曬翅  
或以物絆其要引枷向前謂之驢駒拔擷或使跪捧枷累斃其  
上謂之仙人獻果或使立高木之上引枷尾向後謂之王女登  
梯或倒懸石繩其首或以醋灌鼻或以鐵圈轂其首而加楔至  
有腦裂髓出者每得囚輒先陳其械具以示之皆戰栗流汗望  
風自誣**狼毒野葛** 王弘義每暑月繫囚必於小房中積蒿而  
施糞溲遺之者斯須氣絕矣苟自誣引則易於他房與俊臣常  
行移牒州縣懼自矜曰我之文牒有如狼毒野葛也**投刀自**  
**刺** 郭弘霸嘗推芳州刺史李思德拷捶考禁不勝而死聖曆  
中屢見思德從數十騎上其廷曰汝枉陷我我今取汝霸周章

惶怖投刀自刺其腹斯須蛆爛時洛陽橋壞至是而成自春大  
旱至霸死雨足則天嘗問群臣有何好事舍人張元一對曰外  
有三慶早降雨一慶中橋新成萬代之利二慶郭霸身死百姓  
皆歡三慶也后笑曰霸見憎如此耶**鬼渡我馬** 侍御史萬國  
俊殘忍為懷甚毒是務誅斬死人殺害無數出至天津橋南有  
鬼滿路遮截馬足不得前進口去叩頭緩我連聲忍痛俄而據  
鞍舌長數尺遍身青腫輿至宅夜半而卒 御史魏靖上言曰  
臣聞郭弘霸自刺而唱快萬國俊被遮而遽亡霍獻可臨終膝  
奉於頂李敬仁將死舌至於臍皆鬼滿庭群妖橫道惟徵集  
應若響隨聲**枉殺尸起** 左史江融耿介正直被羅織周興等



枉奏殺之將被誅請奏事引見興曰因何得奏事勃怒叱之曰吾無罪枉殺死不捨汝遂斬之尸乃激揚而起踳躄十餘步行刑者踏倒還起如此者三無何周興死羅鉗吉綱吉温果於推劾李林甫將起刑獄除不附已者引之於門與羅希奭同鍛鍊詔獄時稱羅鉗吉綱如有三脫王悅為蓋屋鎮將軍士犯令杖而加之百日乃脫未及百日而脫者有三我死則脫尔死則脫天子之命則脫由是秋毫無犯燒鐵灼臂錢惟濟仁宗時知定州有婦人待前妻子不仁至燒銅鐵灼臂惟濟取婦人所生兒置雪中械婦人往視見死其慘毒多此類人妖楊務廉孝和時奏開陝州三門鑿山燒石巖側施棧道牽船河流湍

急其牽船夫皆令繫二釵于背皆落棧著石百無一存道路悲

號聲動山谷皆稱揚務廉為人妖天生此妖以破殘百姓載

**妖須腫積** 開元中王鈞為洛陽尉嚴安之為河南丞皆性毒

虐曾罵人長其不死皆杖乾不放起須其腫潰徐乃重杖之悞

血流地者其殺死鉤與安之始眉目喜暢

**獄囚** 急就章外繇造獄後代因之 風俗通夏曰夏堂殿

曰稽留 又狴牢者亦獄別名 詩曰宜狴宜獄韓詩外傳

亭之繫曰狴朝廷曰獄 釋名獄誦也言實誦人情偽也又謂

之牢言所在堅牢也 其制象斗墻曰圍墻扉曰圍扉終而名

之牢言所在堅牢也 其制象斗墻曰圍墻扉曰圍扉終而名



之曰園土 王商傳詣若盧詔獄 絳侯囚請室 晉武置黃

沙獄 宗曆等繫北寺獄皆獄之別名 風俗通囚道也言解

窮情得以罪誅適也 禮罪人置諸園土故囚字為口守人此

其像也 鄭玄去囚拘也 易係用徽纆置於叢棘三歲不得

凶 月令孟春之月省圜圖去桎梏止獄訟仲秋之月中嚴百

刑無留有罪 易明慎用刑而不留獄 明庶政無敢折獄

**不祭黃陶** 范滂繫獄之吏謂曰九坐繫皆祭臯陶滂曰臯陶

賢者古之直臣知滂無罪特理之帝如其有罪祭之何益眾人

由此止也 **樓地掘壁** 幽明錄晉廬陵太守龐企坐事繫獄而

非其罪見樓地行其左右相謂曰使甬有神能活我因投飯與

螻蛄食盡去有頃復來形體稍大異之復與食數日間其大

如豚及竟報當行刑螻蛄掘壁根為大孔從此出亡後遇赦得

活 **鳥穴獄** 見蟻 **黃霸與夏侯勝俱下獄** 霸欲從

勝受經勝辭以死罪霸曰朝聞道夕死可矣勝賢其言遂授之

繫再更冬講論不息 **杜篤字季雅** 居美陽

令遊從數請託不諧頗相恨令怒收篤送京會大司馬吳漢薨

光武詔諸儒誄之篤於獄中為誄辭最高帝羨之賜帛免之

**更生憤氣** 上行甘泉至長陵馳道中有虫伏地而赤如生肝

狀上召東方朔視之朔曰秦始皇拘繫無道悲哀之苦仰天歎

曰怪哉感動皇天此憤氣之所生故名之曰怪哉是地必秦之



獄也丞相按圖果秦獄也上又問何以去之對曰積憂者得酒  
而解取虫置酒中須吏糜散死灰漢御史大夫韓安國  
坐法抵罪蒙獄吏田甲辱之安國曰死灰獨不復然乎田甲  
然則溺之有天子氣皇曾孫生數月收繫郡邸獄丙吉受詔  
治獄哀曾孫無辜擇女徒胡組等乳養望氣者言長安獄中有  
天子氣武帝遣使者分條中都官詔獄繫者一切皆殺之夜到  
郡邸獄吉閉門不納獄吏東漢許揚少好數術為汝南  
太守登晨修鵠卻陂豪石因陂役遂共譖揚下獄而械輒自解  
吏遽白晨晨驚曰果濫矣即夜出揚遣歸時天雨陰晦道中若  
有火光照之時人異焉書情詩駱賓王獄中書情通簡知己

玄青陸春芳動黃沙旅思催覆盆徒望日蟄戶未驚雷霜歇蘭  
猶敗風多木屢摧地幽蠶室掩門靜雀羅開自憫素冤痛誰憐  
楚葵哀漢陽窮鳥客梁甫卧龍才有氣還衝斗無時會鑿坏莫  
言韓長孺長作不然灰隋虞綽被囚婺州詩窮通雖有命通亡  
誠負累背恩已偷生臨危未能死待罪既不測法禁復無已厚  
顏羞用友囚心愧妻子聖日始東扶祖年迫西記方違聖明代  
永向幽泉裏况當此春節物候驚田里桃蹊日影亂柳送秋風  
起動植皆順性嗟余獨淪恥投筆不重陳此情寄知己撤欄為  
新畢師鐸囚高駢于南第遣人守之拘囚日久供億窘狹羣  
奴撤延和閣欄楮為薪煮葦帶以食撤欄為唐玄宗即位



以來二十年間號稱治平人罕犯法先是相傳寺獄殺氣太盛  
鳥雀不棲今有鵲巢其樹百官幾致刑措賀帝歸功于宰相李  
林甫爵晉國公牛仙客爵幽國公疥疥救火 晉棠邑丞劉榮  
坐事當死縣有野火延及榮脫械救火畢還自着械須母覆獄  
漢鍾雉意為棠邑令民多廣為父報讎繫獄母病死廣哭不食  
意怜傷之聽廣歸殯母丞掾皆爭不可曰罪自歸我義不累汝  
寺遂遣歸殯殮訖果還入獄意密以狀聞廣得減死論道因論  
**囚論** 魏孫禮荒亂時與母相失有馬台者為求得之台後坐法  
當死禮私導台令踰獄乃自首主簿溫嘉之白太祖罪減一等  
**石室囚疾** 吳越春秋吳王拘越王勾踐與大夫范蠡於石室

吳王疾越王謂太宰嚭曰囚臣請一見問疾太宰入言吳王乃  
見越王軍府操琴 晉侯觀于軍府見鍾儀問之曰南冠而縶  
者誰也有司對曰楚囚也使脫之召而吊之再拜稽首使與之  
琴操南音晉靡 史記楚王胥靡申公注連繫而相隨服役之  
也琅當 王莽捕閔東犯鑄錢以鐵琅當其項傳詣鍾宮萬數  
注琅當長鎖也痠死 宣帝詔繫者掠笞饑寒痠死獄中朕甚  
痛之注囚徒病肆為痠死頌繫 漢景帝著令年八十已上十  
歲已下及孕未乳產盲師侏儒當鞫繫者頌繫之注頌寬容不  
桎梏也給衣薪 宋神宗詔天下繫囚貧乏者冬月權給衣被  
薪炭及飯食仍委長吏提舉具湯沐 宋紹興元年有進呈疎



決禁囚者上曰此事甚好朕方念之聞祖宗時尚遣內侍持餅肉徧賜繫囚仍具湯沐以示恩惠**為文訛寃** 晉劉隗為司直丞相府斬督運令史淳于伯隗奏曰斬伯著柱血逆上終柱未復下流百姓誼譁咸曰寃伯子患亦詐父不之軍與無罪受戮來俊臣黨人羅告司刑府史樊甚謀反誅之甚子訟寃于朝堂無敢理者乃援刀刺其腹**唐宇文融恨妻張說**乃與崔隱甫李林甫共劾說帝怒詔隱甫等鞠之發金吾兵圍其第說兄左庶子光詣朝廷取耳列寃帝遣高力士往觀還奏說有功于國帝憮然乃傳說中書令**唐 碣為河南尹邑有大賈王可久轉貨江湖間不得歸妻詣卜者揚乾夫**

浴存凶乾夫悅其色利其富陽驚曰乃夫殆不還矣陰以百金謝媒者誘聘之及徐州平可久丐衣食歸閭里往見妻乾夫大怒詎逐之妻詣吏自言乾夫厚納賂而可久反得其罪恨歎遂失明及碣至可久陳寃碣即勅吏掩乾夫并前獄吏下獄悉發賊姦一日殺之以妻還可久時方濼濼獄決即寃**唐張延賞刑度支有一寃獄久不決期以旬日平反視事日案上一帖去奉錢三萬貫乞不問其獄公怒悉收吏案之次日于鹽洗慶又一帖去奉錢十萬公嘆曰錢至十萬可以通神矣無不可回之事乃不問**吳祐為膠東相有母亡長者殺人臨刑祐問有子不長曰有妻無子乃緩其桎梏令妻入獄****



妻有孕然後行刑長泣曰何以報吳君後生子以吳為名晉  
喬智明字元達為隆慮令郡人張元報父讐母單身有妻無子  
智明愍之令妻入獄陰縱之有勸逃者元曰有君如此不忍累  
之於獄產一男會赦免出獄崔篆為建新大尹獄姦填滿  
出二千餘人掾吏叩頭曰將有悔篆曰邪文公不以一人易其  
身君子謂之知命如殺大尹贖二十人蓋所遇也錄因已說  
應奉為郡決曹吏行部四十二縣錄日徒數千人太守問之奉  
口說罪殺無繫姓名坐狀輕重一無遺脫送徒作衣後漢鍾  
離意字子阿辟司徒府送徒詣河內時寒徒病路過弘農意移  
屬縣使作徒衣縣不與而上書言狀意亦具以聞世祖謂侯霸

曰君所使掾何仁於用心誠良吏也意遂於道解徒桎梏恣所  
欲適與尅期俱至無或違者決獄觀壁賈子與嘗有疑獄召  
朱公而問之朱公曰臣鄙人也不知當據然臣家有二白壁其  
色相如也其徑相如也其價一者千金一者五百金王曰何也  
朱公曰側而視之其一者厚倍之是以千金王曰善故欲疑則  
從去賞疑則從予

**聽訟**

周禮小司寇以五聲聽獄訟求民情一曰辭聽二曰  
色聽三曰氣聽四曰耳聽五曰目聽

**遺兒一劍**

沛郡富公家貧二十餘萬少婦生子年纔幾歲頃  
失其母又無親近其女不賢公因痛思念惡爭其財財必不全



因呼族人為遺令悉以財屬女但遺一劍與兒年十六以還付之其後又不與兒詣郡自言求劍時太守大司空何武也省其書曰女性強梁畏賊害其兒又計兒小得此不能全護故且俾與女實寄之也劍者所以決斷限年十五者智力可以自居當問縣官者或能證容得以見伸何用慮強遠如此求悉奪其財以與其子**斷女誣男** 陳留一老人年八十餘家富無子惟一女適人其妻卒翁復娶一妻生一子翁死其妻育子數年前妻女欲奪其財物誣後母所生非我父子郡縣不能斷聞于臺曹時丙吉為廷尉乃曰吾聞老人之子不耐寒日中無影時八月申命取郡中同歲小兒均服單衣唯老人之子畏寒變色也又

令與諸兒同立日中唯老人之子無影遂奪其財物歸後母之男前女服誣母之罪 **乳醫為證** 宋韓億知洋州時土豪李甲者兄死迫嫁其嫂因誣其子為異姓以專其貲嫂歷訴于官甲輒賂吏使掠服之積十餘年具訴不已竟未有白其冤者億視舊牘其誣兄子為異姓但未曾引乳醫為證一日盡召其黨以乳醫示之衆乃無辭因斷貲還兄子仍治甲罪 **狂婦良愈** 宋王罕知潭州有狂婦屢訴事出言無章却之則勃罵前守每叱逐之罕獨引至前委曲徐問久之其言稍可曉本婦為人妻無子夫死妾有子遂逐婦而奪其家資屢訴不得直因憤恚發狂罕為治妾而及其資婦良愈郡人稱為神明監司上罕治狀賜



書屢諭并絹三百疋婦如爭子 黃霸為潁川守有兄弟同居

弟婦與長妯同懷妊如胎傷匿之弟婦生男如取以為己子論

爭二年霸使人抱兒于庭中乃使婦如競求之如持之甚猛弟

婦恐有傷而情甚悽慘霸乃叱長如曰汝貪家財欲得此子寧

慮有所傷乎此事審矣如伏罪 **匿名告人** 神宗時王安禮知

開封府邏者連得匿名書告人不軌所涉百餘家帝付安禮治

之最後一書有姓薛者安禮喜呼問薛曰豈有素不快于若者

耶曰有持筆來售者拒之快去其意似見衙即命捕訊果其

所為也即梟首于市被告者不逮一人京師稱為神明 **囚幾誤**

**死** 宋朱壽昌知閬州大姓雍子良殺人乃賂里民代出就

吏獄具壽昌覺其奸引囚詰之曰聞子良與汝錢十萬許納汝

女為婦且壻汝子故汝代其命有之乎囚色動則又摘之曰汝

且死彼書券抑汝女為婢指錢為直又不壻汝子將奈何囚

悟涕泣覆面曰囚幾誤死遂以實對壽昌立取子良正諸法 **認子**

程明道為晉城令富民張氏子父死未幾有老父至

門曰我汝父也張氏子驚疑詣縣辯理老父曰某業醫遠出貧

不能養以與張氏某年月日某人抱去明道曰汝何記之詳也

曰書于藥法冊司命以其冊進冊中書云某年月日某人抱兒

與張氏翁問張氏子汝年幾何曰三十六又問汝父年幾何曰

七十六遂謂老父曰是子之生其父纔年四十人即謂之翁乎



老父驚駭遂服罪斷續各半 風俗通漢薛宣為臨淮太守有

一人持縑八市遇雨將縑披覆後一人至求庇廕因授一頭與

之雨霽當別因爭云是我縑各詣府訟其事薛宣呼騎吏斷縑

各與其半令吏追聽之後人喜曰君恩君恩縑主稱冤不已宣

知其狀拷問乃服罪女哭不哀 漢嚴遵為揚州刺史行部聞

女子哭而不哀問之曰夫遭燒死連勅吏輿尸令人守之曰當

有物往吏白有蠅聚頭所遵披視有鐵推貫頂乃拷問乃云以

淫殺夫 唐韓晉公況在潤州夜與從事登萬歲樓方酣飲乃

置杯語左右曰汝聽婦人哭乎當在何所或對在某街詰朝命

吏捕哭者訊之對曰夫死而哭滉疑之再三拷問信宿獄不具

吏懼罪守于尸側有大青蠅集于其夫之首因發髻驗之果婦

私于鄰人醉其夫而釘殺之以為神 論衡鄭子產晨出聞婦

人哭拊僕之手而聽有間使吏執而問之乃殺其夫也其僕曰

夫子何以知之子產曰凡人於所親愛知病而憂臨死而懼已

死而哀今哭已死而懼知其女也色動窮詰 魏胡質為常山

太守遷任東莞有士盧顯為人所殺質曰聞此士無讐而家有

少妻所以死乎悉召見其比居年少有書吏李若問之色動遂

窮詰其狀即自首 魏高柔遷廷尉護軍營士竇禮近出不還

營以為亡去表請還捕併沒其妻子妻盈詣廷尉稱冤柔問曰

汝夫不與人交錢乎對曰嘗出錢與同營士焦子文時子文坐



事繫獄柔問子文汝曾舉人錢否子文曰單貧不敢舉人物也  
柔察子文色動遂曰汝昔舉竇禮錢何言不舉子文怪事露應  
對不次柔曰汝已殺禮宜早服子文叩頭具首議獄合情賈  
易字明叔調常州司法參軍自以書生不閑法令每議獄唯求  
合於人情曰人情所在法亦在焉訖其去郡中稱平遇事不忍  
蕭敏之辟襄陽司法府捕強盜陳大漢十三人不獲鄉民羣行  
適符其數巡尉執送官不堪苦掠皆誣伏公約法起之白帥移  
獄已而獲真盜闔府嗟異禮侍陳捕來守公遇事爭辨不屈捕  
嘗曰司法突兀長身他日真御史也

# 赦

周禮司刑掌三赦一赦曰幼弱再赦曰老耄三赦曰蠢愚  
文中子曰無赦之國其刑必平管子九赦者小利而大  
害也故久而不勝其禍無赦者小害而大利也故久而不勝其  
福赦者奔馬之委轡也無赦者墜疽之礮石也又曰赦出則民  
不敬惠行則過日益書胥災肆赦五刑之疑有赦五罰之  
疑有赦其審克之禮記疑獄汎問與衆共之衆疑赦之爾  
雅赦舍也荀悅漢紀論曰夫赦權時之宜非常典也漢興承  
兵革之後大過之代比屋可刑故設三章之法申以大赦之令  
蕩滌穢流與人更始時勢然也後代承業習而不革失時宜矣  
潛夫論三辰有候天氣當赦故人德之施德也望氣經黃雲



四出注期五十日赦 風角書及至後丁巳日有風從已上來  
有大赦 諸葛亮曰為政以大德不以小惠故匡衡吳漢不願  
為赦先帝亦言吾周旋陳元方鄭康成間每見言理亂之道悉  
矣曾不論赦若劉景升父子歲歲赦宥何益干政 天文志貫  
索九星七星夜見大赦天下 唐太宗謂群臣曰語云一歲再  
赦好人啞啞吾有天下未嘗數赦者不欲誘民於幸死也 孟  
光責費禕曰赦者偏 之物非明世宜有 裴頠集曰臣聞感  
神以政應變以誠故柔赦之異以勉已而消漢末屢赦猶凌不  
反由此言之上協宿度下查萬國唯在賢能慎厥庶政殆非孤  
赦所能增損也

**金雞對字**

唐武后時仗前有大檟對赦日置金雞其杪賜號  
金雞對又百官志赦日植金雞于仗內竿長七尺上有雞高四  
尺黃金飾首脚幡長七尺盛以絳繩將作監供馬集百官父老  
囚徒于闕下令衛尉對金雞宣制訖乃釋之又文粹云建雞竿  
伐鼙鼓帝命出皇恩普錫巽風作解兩 **繫字** 論衡赦令  
將至繫室齋動獄中人當出故沈佺期觀赦詩去聖人宥天下  
幽禽動園徃六甲迎黃氣三元降紫泥籠僮西上鼓振迅廣場  
雞歌舞持金帛任洋被遠黎 **封三錢** 史記楚王且赦常封三  
錢之府按三錢黃白赤金也虞夏商周金幣有此三品慮人逆  
知有赦者或竊盜故封之 **驛馬流** 北史徐路繫冀州獄別駕



崔隆宗慰問之路曰昨夜驛馬星流主赦須臾應至隆宗遣人出城候馬俄而赦果至

### 治盜

周禮大司徒以荒政十有二聚萬民十二曰除盜賊斬木為兵揭竿為旗大攻城邑小掠鄉里

### 復符之盜

鄭子產有疾謂子太叔曰我死子必為政唯有德者能以寬服民其次莫如猛夫火烈民望而畏之故鮮死焉水懦弱民狎而玩之則多死焉故寬難疾數月而卒太叔為政不忍猛而寬鄭國多盜取人於崔符之澤太叔悔之曰吾早從夫子不及此興徒兵以攻崔符之盜盡殺之左入楚為盜晏子使楚左右言齊人坐盜晏子曰橘生江北為枳此人生齊

不為盜入楚則為盜得無水土使為盜耶

晏子春秋

### 相東虎穴

漢

成帝時長安少年群輩殺吏相與探丸為彈得赤丸者斫武吏得黑丸者斫文吏白者主治喪城中薄暮塵起剽劫行者死傷橫道尹賞以選守長安令修治獄穿地方深數丈以大石覆其口名為虎穴乃分行收捕內虎穴中數日皆死瘞寺門相東長安為之語曰安所求死子相東少年場生時諫不謹枯骨後何葬注栢聲如和今猶謂之華表即和表也更貪致盜淳化間彭山縣令齊元振者貪暴苦民王小波剖其腹實之以錢蓋苦其誅求無厭也衆推其妻弟李順為帥入成都借號王繼恩討平之

### 化賊為民

張詠知益州時四郊多壘城門盡閉王繼恩



嘗送三十輩請詠治之詠悉令歸農業繼恩怒詠曰前日李順脅民為賊今日詠與公化賊為民何不可哉盜罷却兵齊兵伐楚子發帥師以當之兵三却楚盡用其計齊師愈強於是市偷進請曰臣有薄伎子發諾而遣之偷則夜解齊將軍之轡子發使人婦之明日又取其梳子發又歸之明日又取其簪子發又歸之齊師大駭將軍曰今日不去楚軍恐取吾頭乃還師而去偷長不擒盜張敞守京兆尹市偷盜多敞乃召偷盜者長數人見之責問因貫其罪令致諸盜以自贖偷長曰今日詣府恐諸偷驚駭願權捕吏職敞皆以為吏遣歸休置酒小偷悉來賀各飲醉偷長以赭汚其身衣裾吏坐里閭閱出者汚赭

輒收縛之一日捕得數百人盡行法罪由是市無盜賊梁上君

**子** 陳寔在鄉閭平心宰物為太止長有盜夜入其室止於梁

上寔命子孫訓之曰不善之人未必本不善習與性成如梁上

君子是也盜驚自投地寔徐譬之曰視君狀貌不似惡人宜深

克己反善然當由貧今遺絹二匹自是一縣無復竊盜標以捕

**賊** 吳孫堅年十七與父共載至錢塘會海賊掠取賈人財物

於岸上堅操刃上岸東西指麾若分部羅遮賊見以為官兵捕

之散走堅追斬一級父大驚指床盜墮 晉蔡裔有勇氣聲若

震雷嘗有二偷入室裔拊床一呼二盜俱墮故商浩委以軍鋒

焉可置青繩 王猷之常夜卧齋中有偷人入其室盜物都盡



獻之徐曰偷兒青羶我家舊物可特置之群盜驚走盜筭及采  
宋會稽郭原平宅上種竹夜有盜其笋者奔走墜溝乃於溝上  
立小橋令通鄰里慚愧武康沈道虔見人竊其園菜乃自隱逃  
有竊園後大笋令人止之曰此欲成林買大笋送與之盜者慚  
不敢取罰偷筭街齊王敬則為吳興守錄得一偷令偷身長  
埽街路久之令舉舊偷自代諸偷恐皆走境內以清盜及盜官  
隋麥鉄杖驍勇有膂力日行五百里走及奔馬陳大建中為  
群盜廣州刺史歐陽頔俘之以獻沒為官戶配執御金每罷朝  
後行百餘里夜至南徐州踰城而入行火光劫盜且還及時仍  
又執傘如此者十餘度物主識之州以狀奏帝惜其勇捷誠而

釋之煬帝朝與賊戰死計鍾辯盜陳述古密直知建州蒲城  
縣時人有失物捕得莫知的為盜者述古乃給之曰某庙有一  
鍾能辨盜至靈使人迎置後閣相之引群囚立鍾前自陳不為  
盜者摸之則無聲為盜者摸之則有聲述古自率同職構鍾祭  
甚肅祭訖以帷圍之乃陰使人以墨塗良父引囚逐一令引乎  
入帷摸之出乃驗其手皆有墨惟有一囚無墨訊之遂承為盜  
蓋恐鍾有聲不敢摸也此亦古之法出於小說筆談劍斷盜足  
柳開字仲塗幼警悟豪勇父顯德末為南縣令有盜入其室衆  
不敢動開年十二亟取劍逐之盜踰垣開揮劍斷其足二指作  
詩贈賊李涉嘗過九江皖口遇盜問何人從者曰李博士也



其豪者曰若是李涉博士不用剽奪久聞詩名願題一篇足矣  
涉贈一絕曰春雨蕭蕭江上村綠林豪客夜知聞他時不用相  
迴避世上如今半是君賊不入境後漢韓韶太山賊舉偽號  
連年不能破詔以三府掾速為羸長賊聞其賢不入其境餘縣  
多被寇盜流入縣界者甚衆詔開倉賑之主者爭謂不可詔曰  
長活溝壑之人以此得罪含笑入地矣以古擊賊 晉朱伺字  
仲文為江夏騎督時西陽夷賊抄掠太守陽眠每請督將議拒  
賊討伺獨不言眠曰朱將軍何以不言伺曰諸人以舌擊賊伺  
惟以力耳軍車除賊 張綱為廣陵太守單車之職徑造張嬰  
之壘申示國恩嬰初大驚既見綱誠信皆拜泣曰荒裔愚人不可

堪侵枉相聚偷生若魚游釜中喘息須臾聞其案恐投兵之日  
不免孳戮綱約之以天地誓之以日月嬰乃降綱在郡卒年三  
十六綱病吏人咸為祠祀祈福言千秋萬歲何時復見此君張  
嬰等備服行喪命趙廣漢 趙廣漢為京兆尹時富人蘇回為  
郎被賊二人劫之為質有頃廣漢將吏到回家自立庭下使曉  
賊曰京兆尹趙君謝兩卿無得殺質此宿衛臣也二人驚愕即  
開戶出下堂就捕修德 唐懿宗時劇賊裘甫亂明越宰  
相薦王式為觀察使往討之上問方略對曰第假臣兵寇不足  
平也詔益許滑淮南兵式發自光福里第麾幟皆東廡獵之有  
聲喜曰是謂得天時矣乃閱所部得吐蕃回鶻遺隸數百人發



龍陂監牧馬給之集土圍諸見為向道遂擒甫斬之飛書示後  
始安獠歐陽倩擁眾數萬攻陷州縣朱敬則稱襲懷古有文武  
才武后以為桂州都督懷古至嶺上飛書示以禍倩等迎降  
且言為吏所侵迫故舉兵自救耳懷古輕騎赴之遂詰其營賊  
大喜款附投弓列拜唐宣宗時巴南有妖賊遣京兆少尹劉  
潼詣果州招諭之潼至山中盜彎弓待之潼直前曰我面受詔  
赦汝罪使汝復為平民聞汝木弓射二百步汝真欲反者可射  
我賊皆投弓列拜請降伏戎待方臘反命韓世忠討之乃  
潛行谿谷間野婦得徑即挺身伏戈直前渡險數里擣其穴格  
殺數十人遂擒臘以出設梯攻城高宗時建安范汝為反以

韓世忠為福建宣撫使丞領步卒三萬水陸並進賊盡塞險路  
以拒王師世忠命諸將偃旗卧鼓經抵鳳皇山頻啟城邑設雲  
梯火樓日夜併攻其城五日城破汝為自焚死米賊後漢張  
陵造作符書受其道者出米五斗謂之米賊來學者名鬼卒各  
起義舍於路懸置米肉以給行旅令量腹取足過多者鬼能病  
之張魯賊黃巾賊亦名蛾賊音蟻誦賊象也難賊  
李勤言我年十二三為無賴賊逢人即殺十四五為難當賊有  
不愜者殺之十七八時為好賊上陣殺人二十餘為天下大將  
用兵以救人死也白頭賊陶侃擊杜弢將王貢侃遙謂曰卿  
本佳人何為隨弢天下寧有白頭賊貢遂降捨子殺賊見父子



**豐稷強盜**

葉夢得為福建安撫使措置弭盜之事上曰盜之

竊發多緣守令非人培克所致宜令帥司條具凡有害于民者除之公于是或招或捕或誘之相戕三策並用盜賊遂息

**錄功**

巨寇李金奮起為亂以劉珙為荆襄安撫使公入境謹

亦堵守隘塞官兵日盛賊氣日衰賊徒執李金以降乃錄諸將功狀以聞一毫不敢有所私上嘉嘆再三重書褒表

**齊司寇**

程曼齊境多寇司寇不埋景公召司寇讓之及諱

公曰請理君朝廷之寇也公曰君廢其職反責我欲辭其責也曰不然君不聞鼯鼠之牙乎食人與百類雖嚙盡而不痛俗謂之甘口鼠也魯國之牛聞食其角矣請以是諷焉牛之寢齧有

蚊蚋撓其膚毛必知鼓耳搖尾以揮之及鼯鼠食之即不知痛也鼠之一牙豈不甚於蚊蚋乎以其口甘雖貫心徹骨而不知也况其角乎公誠職臣以司寇請司朝廷之寇然後司封疆之寇也朝廷之寇其鼯鼠乎食君之角矣又將貫骨與心也是患大而君不知也封疆之寇蚊蚋乎但撓君之膚毛耳君將鼓耳搖毛而揮之是患小而不知大也臣所以急其大而不知慢其小而得知也景公不喻竟坐司寇以不事曼子曰司寇死田氏為鼯鼠於齊矣



類苑叢寶卷之二十四

類苑叢寶卷之二十四

五七



